

十

程

群書考索卷二十一

後集

山堂先生章俊卿編輯

建陽知縣區玉刊行

官門

官制

唐之官制名號祿秩雖因時增損而大抵皆沿隋故其官司之別曰省曰臺曰寺曰監曰衛曰府各統其屬以分職定位其辨貴賤叙勞能則有品有爵有勳有階曰尚書曰門下曰中書曰祕書曰殿中曰內省此六省也曰太常曰光祿曰衛尉曰宗正曰太僕曰大理曰鴻臚曰司農曰太府此九寺也臺有御史而其屬則有三院監有五監而其名則自國子而至於都水左右衛而下有曰驍衛曰武衛曰威衛而至於金吾衛千牛衛者凡十六衛焉左右率府而下有曰親府曰勳府曰翊府而至於司禦率府內率府者凡十率府焉然其中別位叙之崇卑則有品

自一品而至于九品有正有從而正四品而下又有上下之別凡三十等焉定食邑之多寡則有爵自子男而上以至于王而各比其品之數者凡有九等焉自武騎而上至于護軍自護軍而上極于上柱國凡十有二等者所以為勞能之別也自開府而下至于將仕二十九階自驍騎而下至于陪戎四十五階所以為文武之別也方唐之盛時其制如此蓋其始未嘗不欲立制度明紀綱為萬世法而常至於交侵紛亂者由其時君不能謹守而循一切之苟且故其事愈繁而官愈冗至失其職業而卒不能復初太宗省內外官定制為七百三十員曰吾以此待天下足矣然是時已有負外之置其後又有特置同正員至於檢校守判知之類皆非本制又有置使之名或因事而置事已則罷或遂置而不廢其名類繁多莫能備舉且宰相之職佐天子總百官治萬事其任重矣然自漢以來位號不同而唐世宰相名尤不正唐初因隋制以三省之長共議國政其後太宗為尚書令由是僕射為尚書省長官與侍中中書令號為宰相其品位既崇不欲輕以授人故常以他官攝

相職而假以他名太宗特杜淹以吏部尚書參議特政魏證以祕書參議預朝政其後或曰參議得失參知政事之類其名非一皆宰相職也正觀八年李靖以疾而平章事而平章事之名起於此李勣以詹事同三品而同三品之名起於此自開元以後常以領他職實重其事而反輕宰相之體故時方用貞則為節度使特崇儒學則為太學士時急財用則為鹽鐵使又其甚則為延資庫使至於國中太清宮之類其名頗多皆不足取然其夫非特宰相也自開元以來諸使紛出李傑則為水陸運使宇文融則為租庸使裴耀卿則為江淮轉運使論度支則以李元佐為之使論鑄錢則以羅文信為之使以至木炭則有使青苗則有使脩書則有使群牧置使而大僕不得盡其職戶口置使而戶部不得專其任無非奪百司之職者故百司之任最為侵紊御史彈擊之司也知太府之出納者有之禮部掌禮樂之司也而掌吏部之十銓者有之蘇頌陵夷至于後世遂至於無復職掌劉蕡對策以為夏官不知任籍止於奉朝請六軍不王兵事上於養勳階而陸長源上宰相書

亦曰兵部無我帳戶部無版圖震水不菅山川金谷不司錢穀光祿不
供酒衛尉不供幕祕書不校勘著作不修撰亦可知矣雖然唐初之制
亦有足取者至後世不存矣官以勞考叙進所以考功也自高宗設
階而其制以壞內待不置三品所以防患也自元宗用高力士而其法
復壞銓曹注授之法既變於裴光庭而門下過官之制又廢於楊國忠
立法之善意不可見矣

唐考功九等法

唐考功之法掌於史部京官之考則即中主之外官之考則負外主之
而又有監中外官考使以泄督其事凡百官之長歲較其屬之功過州
牧刺史縣令每歲亦上其狀於考司監領之官差以九等六合衆而讀
而唱第於尚書而後奏之代流內之官叙以四善焉善狀之外又有二
十七最焉夫所謂四善者何也德義有聞也清謹明著也公平可稱也
恪勤匪懈也此之謂四善夫所謂二十七最者何也獻可替否拾遺補
過是近侍之最也銓衡入

盡才良是選司之最也揚清激濁

必當是考校之最也禮制儀式動合經典是禮官之最也其於音律
譜不失節奏則為樂官之最其於決斷不滯予奪合理則為判事之最
其於部統有方警守無失則為宿衛之最其於兵士調習戎裝充備則
為督領之最若乃法官之最則以推鞠得情斷平允者為之校正之
最則以讎校精審明於刑定者為之宣納之最則以承旨敷奏吐納開
敏者為之學官之最則以訓導有方生徒充業者為之以至於賞罰嚴
明攻戰必勝是之謂將軍將之最禮義興行肅清所部是之謂政教之
最祥錄典正辭理兼舉是之謂文史之最訪察精審彈舉必當是之謂
糾正之最曰勾稽曰監掌曰役使曰屯官既各定曰倉庫其最矣而歷
官之推步方術之校驗關津之檢察市司之不擾亦莫不各有最焉雖
牧官之徵鎮防之遠亦以救養之肥碩邊境之清肅者為之最此之謂
二十七最也故一最四善為上上一最三善為上中一最二善為上下
其無最而有二善者次之無最而有一善者又次之善最不聞者斯為
下矣甚而或至於愛憎之任情或背公而向私或居官之貪濁者皆列

於下之三等焉觀其九等之差猶詳於其所謂善而畧於其所謂最也
蓋善者德也最者才也唐之法猶可嘉焉凡考中上以上每進一等則
有加祿之法中下以下每退一等則有奪祿之法此又所以寓懲勸之
微意也

唐三銓之法

通典云在尚書省則為尚書銓分於侍郎者則為中銓為東銓唐六典曰又以三類勸其異一曰德行二

曰才用三曰勞效

凡選有文武文選則吏部主之武選則兵部主之皆為三銓之法在尚
書則典其一在侍郎則分其二而其擇人之法有四一曰身所以取其
體貌之豐偉也二曰言所以取其言辭之辯正也三曰書所以取其措
法之道美也四曰判所以取其文理之優長也四者皆在所可取則又
以德行先之德均則以才均則以勞其得者為留其不得者為放自
五品以上則不試于選特以用以制以勅而授之自六品以下始集而
試觀其書判已試而銓察其身言已銓而注詢其便利已注而唱則以
類而聯其名先簡于僕射而乃上于門下給事中讀之黃門侍郎省之

侍中審之不審者則駁其非既審者則以聞主者受旨而奉行焉謂之
奏受其視品及流外官則判補之皆給以符而謂之告身凡試判登科
則謂之入等而其拙者則謂之縑縑選未滿而試文三篇者謂之宏詞
試判三條者則謂之拔萃而其中者則以官授之此選法之大畧也自
是而外又有所謂小選曰東選曰南選之名凡流外兵部禮部舉人即
官得自主之者則謂之小選東人選者或集于洛川則謂之東選嶺南
黔中之屬郡縣之官不由吏部乃遣即官御史而為選補使則謂之南
選其名亦不一焉然其名雖不一而所以擇之之法當不易也自幾行
儉設長名榜引銓注法復定升降之等而銓法於是而始改張仁偉負
外郎造廷賢改狀樣銓替之法而銓法於是而遂密幾光庭作循資格
而賢愚一槩必與格合乃得銓授而銓法於是而遂變然崇宋璟之流
患斜制舉敷之濫也乃合三銓而通掌之於是有通銓之事宇文融患
吏部選試之不公也欲精其選而分掌之於是有十銓之名其後楊國
忠以右相而兼吏部悉唱注於都堂以誇神速而門下過官三銓注官

之法遂一旦而盡發此法之所以壞也然銓法在唐盛時諸公固已病之如杜如晦則曰今吏部取人獨舉其言辭刀筆而不詳才行張九齡亦曰今吏部始造簿書以備遺忘而反求精於案牘不急人材而時人有平配之誦官曹無得賢之實至沈既濟言四大之弊於德宗之時則又以為考校之法皆在書判簿曆言辭俯仰之間安行徐言非德也空文善書非才也累資積考非勞也則是唐之法尤未為良法也雖然亦存乎人而已矣如鄭愔之納貨而選人滯留崔湜之納賂而銓選無序李義府無品鑿才而遷登之欲惟賄是利則安望其得人若高季輔之在太宗時善銓序人物至賜金鑑以況其清鑑季義之在憲宗時請謁不行而時人有李下無蹊徑之譽則亦何病於法乎其他若馬載若盧從願若李朝隱或抽檢詭偽而以平允聞或照點封而不避怨誅者則銓法未嘗不善也故史臣載前有裴馬後有盧李有深意矣

唐六典

唐六典之書作於元宗之開元也方開元之十年詔於集賢院脩定六

典而元宗手寫六條曰理教禮政刑事時張說委徐堅為之經歲而無規制乃命韋述等參撰始以令式象周禮六官其後蕭嵩張九齡之徒亦與焉至二十六年而書始成凡三十卷嘗以其書而攷之自太師太傅大保則為三師太尉司徒司空則為三公尚書都省門下省中書省秘書省殿中省內侍省則為六省御史之官則為御史臺曰太常曰光祿曰衛尉曰宗正曰太僕曰大理曰鴻臚曰司農曰太府則為九寺曰國子曰少府曰軍器曰將作曰都水則為五監曰左右衛曰左右驍衛曰左右武衛曰左右威衛曰左右領軍衛曰左右金吾衛曰左右監門衛曰左右千牛衛則為十六衛左右羽林軍則為北衛其他如東宮五府之官京兆河南太原三府之官督府州縣之官皆可於其書而攷焉且以三師三公言之皆古宰相之職也唐不常置蓋三師三公皆正一品雖尚書令亦不過正二品左右丞相不過從二品耳故吏部叙階凡二十有九乃自從一品以下而三師三公不在焉蓋三師三公之尊非可以叙遷也以六省言之尚書都省則有尚書令有左右丞相有左右

丞有六部之屬夫尚書令號為端揆之官所以統乎六部而為之長也
自武德中太宗嘗親其職自是闕而不置其國政樞密皆委中書八座
之於但受其成事而已若令闕則以左右僕射為省主此唐尚書令之
制也左右丞相在咸亨中名為僕射自開元而始為左右丞相之名唐
初未嘗不知國政也自開元中張說兼之後罷知政而猶為丞相自此
以後遂不知國政而丞相為虛名耳此唐丞相之制也糾舉憲章以表
六官之儀制正百僚之文法若御史有糾劾不當兼得齊奏此唐左右
丞之制也吏部之叙有尚書有侍郎所以掌天下之官也故郎中則有
叙階之法自開元儀同為從一品而至于文林將仕之從九品凡二十
九焉而其中自四品而下每品又有上下之別其叙階也有以封爵有
以姻戚有以勳庸有以資蔭有以秀孝有以勞考其類而中三年一
置選補使則號為南選郎中所掌之選一則號為少選京司之吏未入九
流者謂之流外銓負外所掌之選院則號為南選司對爵之制自
王而至于子男則有九等司勳勳級之制自上柱國而至于武騎雲騎

則有十二等考功之法則有四善二十七最此吏戶部之大畧也戶部
之職有尚書有侍郎所以掌天下之戶口土田也貢賦之差則分為十
道戶之資產則定為九等給田之制則曰末業曰口分凡有二焉付役
之制曰租曰調曰役曰雜徭凡有四焉此皆戶部之大畧也禮部尚書
之與侍郎所以掌天下之禮儀貢舉之政令也而其屬曰禮部曰祠部
曰膳部曰主客凡五禮之儀古凶軍賓嘉凡一百五十有二舉試之制
自秀才明經進士明法書算其科有六此禮部之大畧也兵部尚書之
與侍郎所以統天下之軍衛武選也其屬曰兵部曰職方曰駕部曰庫
部以三銓之法領其事以五等閱其以二三奇核其異武官之勳祿品
命自驛騎輔國而下至于仁勇陪戎叙階之法凡二十有九焉自上柱
國而下至于雲騎武騎勳官之等亦十有二焉左右衛之親勳則通
謂之三衛左右衛之三衛則分為五仗成丁而入六十而免量其遠近
以定其爵第自京兆河南蒲同華岐等則皆令番上餘川則納資而已
凡親王總戎則曰元帥文武官總統則曰總管以奉使而言之則曰節

度使九天下之節度有八又有大使副使之名焉職方之掌鑄成有工
鎮中鎮下鎮上成中成下成之號駕部之掌輿轎車乘天下之傳驛凡
三十里一驛焉此兵部所統之大畧也刑部之職掌天下之刑法自尚
書侍郎而下其屬有四曰刑部曰都官曰比部曰司門文法之名有四
曰律曰令曰格式此刑部之大畧也工部之職掌天下之百工屯田自
尚書侍郎而下其屬有四曰工部曰屯田曰虞部曰水部凡軍州邊防
鎮守轉運不給則設屯田以益軍儲凡天下諸軍州管屯總九百九十
有二凡屯名有屯官屯副文武職事官則有職分曰在京諸司則有公
驛田此工部之大畧也自侍中黃門侍郎而下曰給事中曰左散騎常
侍曰左諫議大夫曰左補闕拾遺曰起居郎曰御史中丞學士則皆屬於
門下省焉自中書令中書侍郎而下曰中書舍人曰右散騎常侍曰右
補闕拾遺曰起居舍人曰通事舍人曰集賢殿書院學士曰集賢院學
士曰史館則皆屬於中書省焉夫侍中所以掌出納帝命而黃門為之
貳至給事中則分別省事有司奏抄侍中審定則先讀而書之以駁正

遺失此門下之制也中書令所以掌軍國之大政而侍中為之二至中
書舍人則詔旨制敕起草進畫既下則行之此中書之制也然曰散騎
曰諫議曰補闕曰拾遺其左乃屬於門下其右乃屬於中書何也曰起
居曰洪文既屬之門下矣曰舍人曰通事曰集賢曰史館乃屬之中書
何也切考唐中書門下之兩省乃在於宣政殿之東西廡其地亦遠矣
則凡諫正之事講論之益記注之官正欲隨所在而致其力也是以命
出於中書則造命之地有人焉命行於門下而審覆之地有人焉此建
官之美意也至於秘書監之掌經籍圖書之事而有經史子集四部之
別其下又有二局焉曰著作局者所以掌撰碑文之屬曰太史局者所
以掌曆數天文之事此又秘書省之制也其外有殿中省內侍省並列
為六省焉至於御史臺則以御史大夫為之長曰中丞曰侍御史曰殿中
曰監察御史皆臺官也自馬周以布衣太宗令於監察御史裏行自此
遂有裏行之號此御史臺之制也其次太常光祿而下及于太府者九
寺之制也國子監而下及于都水者五監之制也左右衛而下曰驍騎

曰武騎曰威衛曰領軍衛曰金吾衛曰監門衛曰千牛衛皆有左右者此十六衛也夫所謂衛者何也唐制每衛則有大將軍有將軍有中郎將凡兵士隸衛各有其名隸左右衛者則曰驍騎隸驍衛者則曰豹騎隸武衛者則曰熊渠隸威衛者則曰羽林隸領軍衛者則曰射聲隸金吾衛者則曰伙飛總名為衛士皆取六品以下子孫充之如左右衛大將軍職掌宮庭警衛之法凡親勳翊五中郎將及折衝府所隸者皆總衛馬則左右衛者又諸衛之長也其曰親府曰勳一府曰勳二府曰翊一府曰翊二府號曰五府總曰三衛皆左右衛之制也若左右驍衛武衛威衛左右領軍衛其掌皆如左右衛而金吾則掌宮中及京城巡警之法監門衛則掌諸禁衛門籍之法千牛衛則掌宮殿侍衛及宮御之儀仗者也每府則有折衝都尉左右果毅都尉夫折衝之職掌領五校之屬以備宿衛凡衛七三百人為團以一校尉領之以便習騎射者為越騎餘為步兵其團十人為火凡兵馬在府每季冬折衝都尉率五校之屬以教其軍陣戰鬪之法其果毅則為之貳此皆十六衛之制也

社教以為內以十六衛皆養戎臣唐會要以為置十二衛將軍分關諸府隸焉唐制以為唐因隋置十二衛唐鑑載武德中以十四衛為京職事官其說不同何也蓋唐志十六衛中領府者十有二而監門千牛不與焉十六衛之外又有左右羽林軍職統比衛禁軍之法此皆見於六典之可攷者也然六典之建實據周制今以李林甫所注者攷之如六部尚書所以倣周之六卿也尚書之下有待郎所以倣周六官之二也即中之制所以倣周禮六官之屬所謂下大夫者也負外之制所以倣周禮六官之屬所謂上士者也不獨此也中書令者所以倣周之內史也史館史官所以倣周之太史小史也秘書省所以倣周之外史也然則六典之建豈非有意於法古哉然侍中黃門本秦漢之制也給事諫議亦秦漢之制也尚書六曹之名蓋有漢而始盛散騎常侍之名蓋自魏而始合唐實踵而行之則其所謂法古者又不獨在於周矣然唐之制雖不純於周而其親近儒士之意則猶古意何也有常參官有供奉官有清望官有清官皆儒士也如五品以上職事官八品以上供奉

官至於太常博士之屬則謂之常參官侍中中書令左右散騎常侍黃門中書侍郎諫議大夫給事中中書舍人起居郎起居舍人左右補闕給事中丞侍御史之屬則謂之供奉官黃門侍郎尚書左右丞諸司侍郎太常少卿祕書少監國子司業等則謂之清望官如諭德如給舍臺諫左右史諸司員外郎至於四門助教皆謂之清官每日以三品已上清官兩人待制於衙內此豈非樂親儒士之意乎如洪文集賢翰林學士之類則又有可言者自武德正觀以來妙選賢良文學之士為洪文學士曰直學士曰文學直館所置無負數自褚無量發校館務而學士號為館主其後有張太素劉禕之范履冰並以特勅相次為館主此非洪文之盛事歟自太宗秦府學士之後洪文崇文皆有學士元宗大收群書以廣儒術命褚無量馬懷素校四部書於龍元以張說為修書使於是改修書所為集賢殿書院以說為大學士其後更置修撰校理多以他官為之無量懷素侍講之號至集賢院學士則又備顧問應對承旨撰集文章此又集賢之盛事也獨六典所載而於翰林學士特缺焉

唐百官志攷之則知翰林之有學士乃在於開元之二十六年而六典固已成故唐志謂洪文集賢分隸中書門下省而翰林學士獨無所屬特附於百官之序云今其言曰唐制乘輿所在必有文詞經學之士自太宗時名儒學士時時召以草制然猶未有名號乾封以後始號為北門學士元宗初置翰林待詔以張說張九齡為之掌四方表疏批荅應和文章號翰林供奉與集賢院學士分掌制誥書敕開元之二十六年始改供奉為學士別置學士院專掌內命選用益重而禮益親至號為內相初無定負自諸曹尚書而下至校書郎皆得與選內宴則居宰相之下一品之上憲宗又置承旨於是又有翰林承旨之名豈非其尊重儒生之意乎此其制度之美也若夫凡出身非清流者不注清資之官凡注官階卑而擬高者則曰守階高而擬卑者則曰行其在吏部兵部考功都省御史臺中書門下是謂之前行要望目為七司其餘則曰後行閑局其制亦不可不知也然以唐志而較之六典專於尚書令之下則曰左右丞相而唐志乃謂之左右僕六典於太學博士之下則

繼以四時博士而唐志於太學博士之下乃有廣文館博士唐志於羽林軍之後又有左右龍武神武神策之名而六典無之此豈非六典所載乃開元以前之制而唐志所載者乃開元以後之制乎此又攷制度之所當知者故附見焉

唐太宗定功臣

高祖論太原首功自裴寂劉文靜而下至于趙文恪許世緒之徒凡十有四人武德九年太宗復定功臣而文靜已沒故自寂而下至于秦行師馬三寶之屬等其功之小大而第之總為四十有三人焉今以其傳而攷之自趙文恪而下十有八人雖附見於裴寂傳後而其功不為甚顯君子不暇論也惟寂等三十人已見於傳則其功有可言者如裴寂之共建大計長孫無忌之入定大難李藥師之南平巴陵北破突厥西定吐谷渾而遼東之後猶有雖老尚堪一行之語則靖之功為可知李懋功之平颶德倂世充降黑闥而又破頡利於磧北使突厥稽首請命而不敢南向殆有賢於長城者則勳之功為可知其他如從破建德則

羅純蔚建敬德從平黑闥則李子和尚開山至於狷巴蜀降骨統則趙王孝恭也平師都討谷渾則柴紹也破潼關而遂定跡者長孫順德也從戰東都以少擊眾者王君廣也劉洪基之討薛舉劉政會之圍武周寶軌之起兵募眾畧地渭南高士廉之能舉交趾歸心附義屈突通不牽於贊子之愛而以死許國故有烈士徇名之稱唐儉雖有武周之辱猶藉濟暉而有不敢忘朝廷之志秦叔寶之先鋒鏖陣程知節之舉旗先登封德彝之議軍事而高祖謂雖張華叶策晉武亦何以加則軍謀為可取改志元之堅守軍門而太宗謂周亞夫亦何以加則軍政為可法蕭瑀有疾風勁草之節足為社稷之臣杜淹有才辨多聞之名足居左右之任宇文士及當濟北豪傑切觀形勢之時而能獨歸王室張亮當謀伐高麗他人畏怯之時而毅然請行張公謹之經畧突厥侯君集之能平高昌此皆其效績於一戰之間者也故史臣贊之曰帝王之興其威靈氣發有以動物悟入者故士有一繫皆莫不躍而附之若椽榱梁柱以成大室ノ負偃植各安所施而無遺材諸將之謂耶雖然又有

大於此者元齡杖策軍門一見如舊獨收人物致于幕府下與諸將密相申結人人願盡死力故太宗嘗曰元齡有決勝帷幄立社稷功蕭何所以先諸將也則元齡之功為如何如晦之常從征伐參謀帷幄時方多事裁處無留莫見其涯故元齡嘗謂帝曰必欲經營四方捨如晦無共功者則如晦之功為如何若夫元齡之善謀如晦之善斷二人同心叶濟以佐帝室當紀綱彫弛之餘而能興什植僵使號令典刑粲然罔不備雖數百年猶蒙其澤可謂名相然求其所以致之之蹟逮不可見何哉唐柳芳有言削定禍亂而房杜不言功王魏善謀而房魏遜其直英衛善兵而房杜濟以文持裝美而效之君輔贊彌綏而藏諸用使人由而不知是後新進更用事元齡身處要地而不吝權善始以終此其成令名者故當時詭良相必曰房杜云豈非餘子之所可並論也然而武德功臣之次不始於房杜而乃以裴寂為先豈非特以晉陽之始謀乎其後至德宗時錄武德以來宰相功臣詔差為二等凡增至百八十有七人每等則以武德以來宰相為首功臣次之至德肅宗以來將相

又次之故房杜之名乃在諸臣之首今自房杜而下至于南霽雲凡八十二人為第一等自竇威而下至于李愷姚閻凡百有五人為第二等並載其名於忠義傳後者即當時所定之次也

○裴寂傳始高祖論太原首功詔尚書令秦王尚書左僕射裴寂納言

劉文靖恕二死

右驍衛大將軍劉弘基

右翊衛大將軍柴紹

吏部侍郎殷開山

衛尉少卿劉政會

庫部郎中武士護

左屯衛府長史許世緒等十四人恕一死

○武德九年十月太宗又定功臣封戶時文靜已死乃自寂而下差功

大小第之總四十三人

寂戶千五百

長孫無忌

王君廓

尉遲敬德 房玄齡 杜如晦 戶千二百

長孫順德 柴紹 羅藝

趙郡王孝恭 戶一 千二百 侯君集

張公謹 劉師立 戶千 李勣 宇文王及

劉弘基 戶九百 高士廉 宇文王及

秦叔寶 程知節 戶七百 安興貴

安脩仁 唐檢 竇軌

屈突通 蕭瑀 封德彝

劉義節 戶六百 錢九隴 樊興

公孫武達 李孟常 段志玄

龐卿 張亮 李藥師

杜淹 元仲文 戶四百 張長遜

張平高 李安遠 李子和

秦行師 馬三寶 戶三百

長孫無忌傳貞觀十一年乃詔有司朕憑明靈之佑賢佐之力克多難清寓內蓋時屯共資其力世安專享其利朕所不取刺史古諸侯雖名不同而監統一也無忌等義貫休感效挺夷俊嘉庸懿績簡在朕心其改錫土宇用世及之制乃以

無忌為趙州刺史以趙為公國 房玄齡宋州刺史國於梁

杜如晦贈密州刺史國於萊 李靖濮州刺史國於衛

高士廉申州刺史國於中 侯君集陳州刺史國於陳

道宗鄂州刺史王江夏 孝恭觀州刺史王河間

尉遲敬德宣州刺史國於鄂 李勣蘄州刺史國於英

段志玄金州刺史國於襄 程知節普州刺史國於盧

劉弘基朔州刺史國於夔 張亮李州刺史國於鄜

凡十有四人餘官食邑尚不在

李澄傳武德功臣十六人貞觀功臣五十三人至德功臣二百六十

五人德宗即位錄武德以來宰相及實封功臣子孫賜一子正負官

史館或勲名特高者九十二人以三等條奏第一等以其歲授官第二等以次年第三等子孫數訟於朝有詔差為二等增至百八十七人每等武德以來宰相為首功臣次之至德以來將相又次之

司空太子太傅知門下省事梁國公房玄齡

尚書右僕射檢校侍中萊國公杜如晦

太子太保同中書門下三品宋國公蕭瑀

開府儀同三司同中書門下三品知政事上柱國申國公高士

儼

太子太師知政事特進鄭國公魏徵

侍中永寧郡公王珪

吏部尚書參議朝政道國公戴胄

中書令江陵縣子岑文本

中書令兼太子左庶子檢校吏部尚書高唐縣公馬周

侍中兼太子左庶子檢校吏部禮部民部尚書事清苑縣南劉

洎

尚書右僕射同中書門下三品河南郡公褚遂良

太子太師同中書門下三品燕國公于志寧

尚書右僕射同中書門下三品兼太子少傅北平縣公張行成

中書令行侍中兼太子少保齊縣公高季輔

侍中兼太子賓客襲穎川縣公韓瑗

中書令兼太子詹事開陽縣侯來濟

侍中兼太子賓客張文瓘

侍中醜山縣公郝處俊

中書侍郎同中書門下三品兼太子右庶子酒泉縣公李義琰

內史河東縣侯裴炎

文昌左相同鳳閣鸞臺三品溫國公蘇良嗣

內史梁國公狄仁傑

納言檢校并州大都督府長史天兵軍大總管隴右諸軍大使

譙縣子婁師德

鳳閣侍郎同鳳閣鸞臺平章事石泉縣公王方慶

文昌左相同鳳閣鸞臺三品襲邢國公王及善

尚書右僕射兼中書令知兵部尚書事齊國公魏元忠

紫微令梁國公姚崇

正諫大夫同鳳閣鸞臺平章事朱敬則

尚書左僕射同中書門下平章事許國公蘇懷

吏部尚書兼侍中廣平郡公宋璟

黃門監梁國公魏知古

中書侍郎同中書門下平章事充國公陸象先

紫微侍郎同紫微黃門平章事許國公蘇頌

中書令河東縣侯張嘉貞

中書侍郎同中書門下平章事清水縣公李元紱

黃門侍郎同中書門下平章事宜陽縣子韓林

中書令始興縣伯張九齡

司空河東郡公裴寂

納言上柱國魯國公劉文靖

太尉檢校中書令同中書門下三品揚州大都督趙國公長孫

無忌

禮部尚書河間郡王李恭

尚書右僕射檢校中書令行太子左衛率上柱國衛國公李靖

司空兼太子太師英國公李勣

開府儀同三司鄜州都督鄂國公尉遲敬德

左光祿大夫洛州都督蔣國公屈突通

陝東道大行臺吏部尚書鄆國公殷開山

衛尉卿夔國公劉弘基

澤州刺史邳國公長孫順德

民部尚書上柱國莒國公唐儉

右驍衛大將軍駙馬都尉燕國公柴紹
右驍衛大將軍張國公段志玄

洪州都督俞國公劉政會

左武侯將軍相州都督鄭國公張公謹

右武衛將軍盧國公程知節

左武衛大將軍上柱國胡國公秦叔寶

弘文館學士祕書監永興縣公虞世南

右衛大將軍兼太子右衛率二部尚書武陽縣公李大亮

左武衛大將軍邢國公蘇定方

夏官尚書同中書門下三品清邊道行軍總管耿國公王孝傑

中書令漢陽郡公張柬之

中書令博陵郡公崔玄暉

侍中平陽郡公敬暉

侍中譙國公桓彥範

中書令南陽郡公袁恕已

右武衛大將軍同中書門下三品韓國公張仁愿

尚書左丞相兼黃門監徐國公劉幽求

黃門侍郎參知機務脩文館學士齊國公崔日用

兵部尚書司中書門下三品代國公郭元振

尚書左丞相兼中書令集賢院學士燕國公張說

紫微侍郎上柱國趙國公王珣

兵部尚書同中書門下三品持節朔方軍節度大使中山郡公

王駿

尚書左僕射同中書門下平章事兼河南江淮副元帥東都留

守冀國公裴冕

文部尚書同中書門下平章事清河縣公房琯

門下侍郎同中書門下平章事衛國公杜鴻漸

鎮西武廷行營節度使開府儀同三司衛尉兼懷州刺史甄

國公李嗣業

平盧軍節度使柳城郡大守劉正臣

桓州刺史衛尉少卿兼御史丞顏杲卿

常山郡太守袁夬

河南節度副使左金吾衛將軍檢校工部中兼御史中丞張

巡

睢陽郡太守兼御史中丞許遠

御史中丞雷臺東都知武部選盧弈

睢陽郡太守特進左金吾衛將軍南霽雲

石第一

內史令延安郡公竇威

將作大匠判納言陳令公竇抗

侍中兼太子左庶子江國公陳叔達

納言觀國公陽恭仁

判吏部尚書參議朝政安吉郡公杜淹

中書令虞國公溫彥博

中書侍郎檢校刑部尚書參知機務崔仁師

中書令兼檢校太子詹事上柱國安國公崔敬禮

戶部尚書平恩縣公許圜

兵部尚書同中書門下三品沮江道行軍總管任雅相

度支尚書同中書門下三品范陽郡公盧承慶

西臺侍郎同東西臺三品兼弘文館學士楚國公上官儀

右相廣平郡公劉祥

左侍極兼檢校左相嘉興縣子陸敦信

文昌左相同鳳閣鸞臺三品樂城縣公劉仁軌

荊州大都督府長史安平郡公李安期

尚書右僕射同中書門下三品兼太子賓客襲道國公戴至德

司列少常伯太子右中護兼正諫大夫同東西臺三品趙仁本

中書令趙國公李敬玄

中書令兼太子左庶子薛元超

中書令同中書門下三品崔知温

侍中同中書門下三品襲廣平郡公劉蕡賢

納言樂平縣男王德貞

地官尚書檢校納言鉅鹿縣公魏玄同

文昌左相同鳳閣鸞臺三品特進輔國大將軍鄧國公岑長倩

鳳閣侍郎同鳳閣鸞臺三品臨淮縣男劉禕之

納言博昌縣男章思謙

地官尚書同鳳閣鸞臺平章事格輔元

司禮卿判納言事渤海縣子歐陽通

內史李昭德

鸞臺侍郎同鳳閣鸞臺平章事陸元方

鳳閣侍郎同鳳閣鸞臺三品杜景佺

尚書右僕射兼太子賓客同中書門下三品鄒國公章安石

左散騎常侍同中書門下三品知東都留守趙郡公李懷遠

中書令道遷公章嗣行

守侍中同中書門下三品兼太子右庶子常山縣男李日知

檢校黃門監渙縣伯盧懷慎

中書令左丞相兼侍中安陽郡公源乾曜

黃門侍郎同紫微黃門平章事魏縣侯杜暹

侍中趙城侯裴耀卿

左武衛大將軍開府儀同三司淮安王神通

特進太常卿江夏王道宗

荊州都督周國公武士護

右屯衛大將軍檢校晉州都督總管譙國公竇琮

少府監莒國公劉義節

右光祿大夫羅國公張平高

洛州都督右衛大將軍鄧國公竇軌

夔州都督息國公張長遜

金紫光祿大夫夷國公李子和

左監門衛大將軍檢校右武侯將軍榮國公樊興

左監門衛大將軍巢國公錢九隴

右驍衛大將軍歸國公安興貴

右武衛大將軍中國公安修仁

殿中監郢國公宇文弋及

右武衛大將軍沔陽郡公公孫武達

荊州都督懷寧郡公杜君綽

右驍衛將軍濮國公龐卿暉

代州都督同安郡公鄭仁恭

右翊衛將軍遂安郡公李安遠

幽州都督歷陽郡公獨孤彥雲

始州刺史左屯衛大將軍襄武郡公劉師正

右威衛大將軍濟東郡公李孟嘗

右監門衛大將軍河南縣公元仲文

右監門衛大將軍廬陵郡公秦行師

左領軍大將軍新興公馬三寶

右衛大將軍尉馬都尉畢國公阿史那社余

鎮軍大將軍號國公張士貴

左衛大將軍琅邪郡公牛進達

鎮軍大將軍嘉川郡公周護

陝州刺史天水郡公丘行恭

潭州都督吳興郡公沈叔安

散騎常侍豐城縣男姚思廉

太子少師同中書門下三品特進朔方道行軍大總管宋國公

唐休璟

左羽林軍大將軍遼陽郡王李多祚

左領軍大將軍趙國公李湛

刑部尚書太子賓客魏國公楊元琰

殿中監兼知總監汝南郡公翟無言

冠軍大將軍左羽林軍大將軍光祿卿天水縣人趙承恩

將作大匠裴思諒

右羽林軍將軍弘農郡公楊執

左衛將軍河東郡公薛思行

光祿卿駙馬都尉琅邪郡公王同皎

中書令越國公鍾紹京

太僕卿立節郡王薛崇簡

右金吾衛大將軍涼國公李延昌

太子中允同正黃國公馮道力

少府監趙國公崔諤之

以私三司也事權不一則財利散雖欲求富其道無由因請都水監將
作軍器監悉隸戶部凡三監有所為戶部定其事之可否裁其費之多
少其工部任其工之良苦程其作之遲速朝廷以為然從之按舊正元
初度支使杜佑辨錢穀之任引李巽自代先是度支以制置措費漸權
百司之職廣設負吏繁而難理佑始奏營繕歸之將作木炭歸之司農
築隸歸之少府綱條頗整公議多之由是而言討司兼領他職自唐計
然不待出於祖宗之意子由所懇懇而言之者皆佑之所至正也豈特
移事異利病固不同邪佑之所請見於蘇冕會要新史載之不如是之
詳也

群書考索卷二十一

群書考索卷二十二

後集

山堂先生章俊卿編輯

隸陽知縣區玉刊行

縣丞管韶校正

。官門

漢官

漢世公有三等太師太傅太保為上公丞相太尉御史大夫為三公大將軍驃騎車騎將軍為比公卿有三等前後左右將軍為上卿太常至少府皆稱正卿執金吾太子太傅將作少府詹事大長秋水衡都尉京兆馮翊扶風為陪卿大夫有三等二千石為上大夫千石為中大夫六百石為下大夫大夫之下復有士劉劭爵制曰自一爵以上至不更為四等皆士也而本表比六百石有博士之官意考爵自公士至不更官自此六百石以下至百石皆士秩也丞相與御史大夫稱兩府兼將軍或稱四府或稱五府光祿勳稱內卿光祿勳王龔以外屬內卿校書內

朝稱朝者博士稱禮官司隸刺史稱奉使丞相掾吏稱宰士太守稱郡將又稱明府此漢官稱謂之大目也漢之三公分掌九卿而侍御史則分刺守相守相則察守尉令長然有事御史下相國相國下諸侯王御史中執法下郡守有議論則中二千石二千石博士議郎諫大夫等雜議太率紀綱皆有條緒今自三公言之漢初以丞相御史大夫太尉為三公其名雖均而其權實有差等不一故武帝罷太尉而置大司馬成帝改御史大夫而置大司空哀帝又改丞相為大司徒而遂正三公之名方漢之初丞相之權最尊太尉特佐其職而已籍福說田蚡乃曰魏其為相將軍必為太尉太尉相差等耳至是太尉之權始無異於丞相耳故事御史大夫奏事會廷中差居丞相後不當與丞相鈞禮蕭望之為御史大夫乃不禮於丞相至是御史之權始不下於丞相惟宣帝能加禮丞相稍抑御史而不使之抗專武帝能假大司馬之權而不任宰相故終漢之世大司馬專秉國政而丞相具位行文書大司馬古之六卿掌兵者也自漢以太尉改置而兵柄不移致使具權在丞相上以貽

異日之禍其來遠矣今自丞相而言之漢初選用人才盡出丞相高祖詔郡國舉賢良必遣詣相國府書行義年武帝之初衛綰奏罷賢良治申韓蘇張者實嬰田蚡推轂趙主王臧薦人或起家至二千石武帝陰欲殺其權遂增重加官之制朝夕在側以薦導人物嚴助侍中則薦朱買臣衛青侍中則薦主父偃楊得意侍中則薦司馬相如而宰相之權盡矣故公孫洪雖開東閣而不聞薦士李蔡以後客館丘墟矣不獨此也呂后欲王諸呂問右丞相陵左丞相平而不及趙堯文帝錢穀斷獄之問不過右丞相勅左丞相平而不及張蒼是御史大夫邑各三公侍副丞相而已九章之律定於蕭相國收擊之令文帝亦與平勃等論議而後除是法令之更定必歸之造命之地羣有司不與焉景帝寵任晁錯多所變更內史更法定令而列卿未免出位之思御史謀削七國而已無復副二丞相之實漢制之壞開端於此迨武帝抑又甚焉自武帝任中大夫侍中而謂丞相為外朝而內庭之事宰相不與知矣自九卿之更進用事事不關決於宰相也而外庭之事宰相不與知矣自其以

吏六百石以上調於尚書也而天下之事宰相皆不與知矣建水衡之官以侵大農之職置中都三十六獄以察廷尉之權九卿更進用事而事不關於石慶御史言事日昃而事多決於張湯甚者趙禹以中大夫更定律令視造命之地何有焉其後游宴後庭始令中書官章奏霍光以大將軍領尚書其後殆不可言矣今以御史大夫言之漢承秦制以御史副丞相每人主有大事欲與大臣及九卿議則曰制詔御史或羣臣有奏請天子當下與大臣議則曰下御史文帝欲議肉刑則曰制詔御史而兩府同議高祖封陳平曲逆戶口則詔御史而竟行如制書班下諸王國則御史以其制書請於丞相同書而行此之謂御史下相國相國下諸侯王也如制書班下諸郡則御史大夫與中丞同書而不經丞相此之謂御史中執法下郡守是也以御史乃丞相之副而中丞又御史大夫之副諸侯王尊於郡守故丞相主行其尊而御史大夫主行其卑耳自武帝以來凡事多務率意乃專任御史大夫而使之自行張湯為御史大夫議造白金皮幣等丞相李嚴之徒惟取充位皆不與行

兒寬為御史大夫與上議行封禪九卿更進用事初不關決於石慶其後東漢輔相權去政事漸歸臺閣蓋自武帝始矣今自九卿言之京輔最右非一縣可令故屬之太常九卿之長列侯屬之主爵尚書主章奏屬之少府皆有本末次第又武帝紛更始置三輔以分太常之權用宦寺為中書謁者而不屬少府自改為三輔而太常之權稍微而主爵之職遂廢至昭帝時遂有三輔太常舉賢良三輔太常繼囚徒之言則太常之職輕矣曩時少府有尚書主文書章奏今置中書而以宦寺掌之是章奏皆不由於廟堂也是以其後恭顯得以肆志於其間廷尉本掌獄也而中都官獄又有二十六所以史攷之觀夫繫居室復繫都司空是居室都司空皆獄也謁者詔王商詣若盧詔獄張湯治他囚尊官是若盧導官皆獄也典客有別火獄水衡有上林詔獄中尉有寺互都船獄至若比軍尉則主上書者獄他如蠶室暴室皆獄也辛慶忌救劉輔徙供工則供工亦有獄也絳侯囚於請室則請室亦皆獄也是非紛紛而紊亂乎然九卿之名按後漢安紀注以奉常光祿衛尉太僕鴻臚廷

尉少府宗正司農為九卿而西漢志所謂奉常光祿勳衛尉太僕廷尉
鴻臚宗正司農少府執金吾水衡都尉主爵都尉左內史右內史皆號
九卿張禹子宏為太常而傳云官至太常列於九卿張安世子延壽為
太僕而傳云歷位九卿張湯為廷尉而傳云又列九卿收接天下名士
大夫陳咸為少府而杜鄴傳云咸為少府在九卿高第汲黯為主爵都
尉而傳云列為九卿鄭當特為右內史而傳云至九卿為右內史此奉
常至右內史為九卿之可考者也今自將軍之官言之漢初於左右前
後將軍皆不常置或有事將兵則置之尋亦罷去至武帝外事四夷則
無日不置嘗改將軍之號自春秋時已有故公羊傳稱楚子重為將軍
左氏傳稱魏獻子為將軍漢因其號所置不一然惟大將軍最貴次驃
騎將軍次車騎將軍次衛將軍又有左右前後將軍文帝自代即夜拜
宋昌為衛將軍車騎為車騎將軍而車騎衛將軍始有定職武帝就軍
中拜衛青為大將軍而大將軍始有常職其後復用霍去病為驃騎將
軍上官桀為左將軍始有驃騎左右將軍之職用趙充國為後將軍韓

增為前將軍始有前後將軍之職其他如師出匈奴則浮沮匈河浚稽
祈連南類之號師出西粵則有伏波樓船戈船下瀨橫海之號擊遼東
則謂之度遼擊西羌則謂之破羌曰驍騎曰護軍曰輕軍曰材官曰代
郡曰馮門曰二師曰強弩曰六人皆其號也武帝之時又增八校而
置曰屯騎曰步兵曰越騎曰長水曰胡騎曰射聲曰虎賁凡有八校而
刑法志乃曰內增七校蓋胡騎不常置也其後以特進領城門兵得舉
吏如五府武帝雜材大畧一時分更其弊乃至此哉

漢官

漢之遷轉惟上所命初不以品秩高下為升降故士亦俯首聽命而莫
敢有所請張釋之十年不得調楊雄三世不徙官至有為太僕立功自
高又文猶未離乎舊職則何其濡滯若此也賈誼超遷歲中至太中大夫
公孫洪徙步數年至宰相封侯王仲翁浦大將軍長史三歲至光祿
大夫若此者又何其速也彼其黜陟進退雖未必皆當其賢否而用舍
之權一出於我固未始有資格之拘然朱博傳云刺史君部九歲舉為

守相守相高第遷為中二千石二千石遷為御史大夫御史大夫任職
則為宰相雖然此特常典耳其有異材顯効為昔君之所識接復不拘
此制漢世尊右卑左故號貶秩為左遷而進居高位者則云以為右職
周昌自御史大夫為趙相高帝謂曰吾猶知其左遷而陳平為右丞相
請以位遜周勃文帝乃以太尉勅為右丞相位第一平徙為左丞相位
第二此即尊右卑左之實也然至於大臣之不職者去之可也收其印
綬可也亦奚至於左遷他官以辱之也孔光免丞相博陸侯父之復為
光祿大夫位次丞相月餘為御史大夫未幾復為丞相以至韓安國蕭
望之翟方進之徒皆以御史大夫左遷為他官彼嘗執天子之政矣嘗
正百官而統其權矣今一旦降尊就卑與其僚佐比有而陪事豈所以
待大臣哉漢制遷吏三歲而其他官吏以至金章之微初未始有終更
之限也自侯嬰自高祖特為大僕至文帝世不為其職楊雄為黃門郎
歷三世不徙官此其在內然也有為京兆尹九年如張敞有為刺史五
年如何武有為郡太守八年如黃霸其在外職亦未嘗不久任也王嘉

謂文帝時吏居官者或長子孫以官為氏其二千石長吏亦安官樂職
莫有苟且之意足以見漢之任吏不輕為易置也苟二千石治行課最
則持璽書褒寵增秩賜金亦未易遷權以重斯民去思之心至其屬吏
則惟太守察其廉汙而故郡丞雖老聾或以其廉而不欲數易黃曹吏
書佐選其可用者而罷斥諸病吏傳亦安有具負而終任者哉當是時
惟長安浩穰最為難治而京兆者往往久不過三二年近有數月一歲
輒毀傷其失以罪過罷張則知漢之久任固以吏之循良而姦貪沓冗
輩亦豈容久病民哉漢出士大夫自少至老初未始有限也劉向以二
十為即陳咸以十八為即貢禹之子年十二而元帝欲官之其失不
幾於濫乎劉辟強以八十為衛尉公孫洪以八十為丞相趙充國以七
十餘為後將軍貢禹以八十一遷御史大夫是未至於老廢者皆可以
綰綬於朝也平帝元始中龔勝以年老乞骸骨詔策遣之始有年至致
仕不盡其力之詞後漢左雄議限年法四十以上始舉孝廉是二者得
於古人之意也漢無引年之制大夫告老而歸初不以齒論上印綬乞

骸骨天子為之賜金安車駟馬以寵其行此其常典然有以故祿歸老
于家者張歐周仁萬石君是也有策遣其歸而不敢斥名者龔勝而漢
是也有聽其罷歸而就問於其家者趙充國董仲舒是也有不待告謝
令奉朝請者張禹孔光是也若是者又皆一時之特恩所以全其終始
尊其道德養其氣體幾於古人之乞言者矣漢律春曰朝秋曰請其禮
蓋古諸侯之朝聘也後漢和紀注曰奉朝請無負三公外戚宗室諸侯
多奉朝請按石奮以上大夫祿歸老于家以歲時為朝臣是上大夫之
致仕者亦當朝請也唯病免者乃得曠廢王陵吳王濞之類是也馮參
以列侯奉朝請世祖中興不任功臣以事其加優異者不過以列侯奉
朝請留京師蓋取馮參政事也凡百官遇視朝無不朝者至蘇武之復
為典屬國蕭望之之賜爵關內侯張禹之罷相就第孔光之為太師皆
止朝朝望蓋時君特以優之非常典也漢世百官洗沐之制史氏不詳
其詳石建為郎中令也傳載其每五日洗沐歸謁親鄭當時為太子舍
人也傳載其每五日洗沐常置驛馬長安諸郊請謝賓客按此則知五

日一假者乃漢世官吏之通法薛宣傳云日至休吏東方朔傳云伏日
當早歸意漢世百官休告之期如此者尚衆也惜其無可考耳古者名
吏休暇曰告漢律二千石有予告有賜告予告者任官有功最法所當
得也賜告者病滿三月當免天子優賜其告使得帶印綬將官屬歸家
治病也至成帝郡國二千石賜告不得歸家和帝世予賜皆絕此孟康
說也汲黯病免三月上常賜告者數終不瘳至谷永病三月有司奏請
免馮野王之守琅邪也病滿三月賜告御史中丞劾奏野王賜告養病
而私自便持虎符出界歸家竟免野王即此事也

漢官

漢官無內外輕重之別

選郡國守相高第為中二千石為御史大夫又選博士諫大夫通政事
者補郡國守相其所以為內外制者未嘗不均一也文帝召李布於河
東以其使酒而復遣之郡若有意於重內者然詔遣列侯之國為吏雖
丞相周勃有所不能辭則又豈不以為重是以嚴助厭承明而出補為

會稽守非以內為輕而外為重也其均佚之禮則然也蕭望之雅意本朝而不樂平原守非以外為輕而內為重也其愛君之心則然也故助自會稽召留侍中望之自平原入為少府其出入內外安有輕重區別哉然汲黯沮於洪湯而不得久居位雖有出入禁闥拾遺補闕之願而不克遂京房沮於石顯而出為魏郡守雖有通籍殿中以防壅塞之請而不得行若是而人臣之願位有內外決擇之心其亦由君見之不明也哉

漢官無文武之分

高祖當征戰日不暇給之際過魯而祠孔子至沛而作樂歌之後此其中持文武之權衡輕重相準以貽後世並用長久之術其意微矣議者徒見高帝不言儒生而思猛士謂其尚武而不尚文抑不知文武一道其相須以為用高祖固未嘗二其所思也當勇力爭奮之時而董公在義之言而不以為迂及拔劍擊柱之頃而叔孫通禮儀之制亦以為當接詩書於馬上而聽晉侯韜畧之謀寓歌詩於大風而善陸賈新語之

奏此其機已發於過魯至沛之日矣至於文帝之好元默若尚文者而講武習射不廢於平時武帝之喜征伐若尚武者而制度典章焜耀於高代言其取士則以孝廉賢良選於內郡以兵法勇猛選於邊郡而文武莫不並用而無遺言其用人則以武弁期門轉為諫大夫以諫大夫復遷為執金吾而文武之材莫不更迭而不偏也漢置大夫專掌議論句其事疑似而未決則合中朝之士雜議之自兩府大臣而下至博士議郎皆得以伸其已見而不嫌於卑抗尊也故罷郡國廟則有議韋元成賞邊功有議陳王傳入谷免罪有議蕭望之賈誼為博士詔令下諸老先生未能言誼對為之對未嘗以公卿之言而廢誼之對也呼韓邪單于願保塞朝臣集議卒用即中侯應之策未嘗以將相之言而格應之奏也匈奴傳朱博得罪議其獄者五十八人而諫大夫龔勝等敢於異將軍二千石之議也王嘉得罪議其獄者六十人而少府猛等敢於抗驃騏將軍御史之議也不緘默以因人不雷同以附勢不合黨以濟奸不託公以行私惟盡其已之所欲言而付之人主之獨斷此漢之集

議所以有公天下之意然至於屯田之功既成有詔詰前言不便者馬
邑之舉既敗獨罪首謀以謝天下此又足以正謀議之不謹者也雖然
高帝之十二年立諸侯王則有議呂后之二年定列侯位次則有議是
時他官猶未預也文帝至邸丞相謹與列侯吏二千石議是時博士猶
未預也吳公薦賈誼為博士每詔令議下盡為之對而後元之詔曰令
吏二千石博士議至是博士始預議也及武帝時尋朔方之議朱買臣
以中大夫預挾弓弩之議吾丘壽王以光祿大夫侍中議武帝之時集
議雖廣而意則欲以宿衛誅外庭也

漢官諫負史館經筵

自漢以下異於古者三諫負也經筵也史館也古者諫官無常負工執
藝事以諫瞽誦詩士傳言至武帝元狩五年始置諫大夫後更名光祿
大夫自此諫官有常負矣古者左右前後皆通明經術之士如伊尹作
伊訓周公陳王業援引古義以訓導人主至漢武猶有古意從兒寬受
四書又從歐陽生問尚書是也自成帝置金華殿講業而鄭寬中張禹

得以入講經於殿中非講業之官不得執經以訓人主自此經筵有常
所講業有常人矣古者左史書言右史書動秦漢以來御史主柱下方
書則親近人主而去堂陛不遠凡郡國上計先達御史後至丞相是以
太史公細金匱石室之書以作史記而武帝不美之迹彰而不隱所以
公道修明史皆實錄延及於唐宰相始監修國史夫直筆之職苟上有
重臣安望其肆意極言哉以史攷之漢石渠東觀之士與五經諸儒雜
論同異而可為優者施讐也經學精熟遺奉使以問諸儒得其義者梁
丘賀也劉向初受谷梁兼能論五經歐陽生以尚書從兒寬此四子者
講論於石渠之人也孝九字伯仁當和帝朝以文章顯賈逵薦其有相
如揚雄之風因受詔而作賦黃香強學經典能文章京師有天下無雙
之號如劉珍之與馬融校定五經諸傳記百家藝術高彪由孝廉試經
第一數奏賦頌奇文此五子者雖校於東觀之人也晉左太冲為三都
賦自以所見不博求為祕書即遂減機雲之價唐李邕欲益文選注自
以為讀書未廣願為祕書未幾與篇儒快了辨如響夫以太中李邕一

詣祕閣讀平生未見之書亦足以慰胃中所期矣則館閣者國家右文之地所以待非常之人人莫不願得之亦以榮也是以漢開石渠而劉何章元成施讎周堪之輩出天祿閣則易惟之徒聞蘭臺築而班固傳毅於是乎進東觀設而黃香盧植蔡邕馬融於是乎登白虎闢而賈逵丁鴻由是而升漢之人才出於祕省臺閣者也自唐開麗正藏書而馬懷素褚無量出焉開集賢而張說徐堅元澹賀知章出焉此唐之人才出於祕省臺閣者也漢唐數子皆表表著見於青史者外又漢有金馬之選唐有蓬萊之遊特出武帝太宗一時之遇臣下者又不在于祕省臺閣之數焉

漢加官

郎中

爵

吏禄

漢加官之制何也侍中左右曹諸吏散騎中常侍皆加官也所加或列侯將軍卿大夫全郎中無負多至數十人給事中亦加官所加或大夫博士議郎掌願問應對皆本於秦制然張辟強於惠帝時為侍中賈山至言亦曰舉令方正之士使為常侍諸吏則加官在漢初不廢也至武

帝始重加官之權加侍中者如吾丘壽王為侍中中郎孔安國為侍中以儒者掌御孟之類加諸曹者如辛慶忌為左曹中郎將之類加諸吏者如楊惲為諸吏光祿勳之類加散騎者如張勃為散騎諫大夫之類加給事中者如終軍為謁者給事中之類獨二府不得兼魏相以御史大夫兼給事中為分霍氏權非定制也或以奉車駟馬為加官非也荀氏漢紀杜佑通典並不列於加官即凡可攷也漢郎官之制何也光祿勳有議郎中郎郎中皆無負多至千人中郎有五官左右三將郎中有車戶騎三將主車曰車郎主戶衛曰戶郎凡郎官皆主更直執戟宿衛諸殿門出充車騎惟議郎不在直中故省中郎曰中郎散郎曰外郎及黠曰臣願為中郎出入禁闈補遺拾遺郎官故事令郎出錢市財用給文書乃得出名曰山郎羽林以六郡良家補武帝以便從獵還宿殿陛巖下故曰巖郎期門為虎賁郎郎選其塗非一有以父兄任子弟為郎者袁盎劉向是也有以富訐為郎者張釋之司馬相如是也有以上書獻策為郎者婁敬主父偃是也有以孝著為郎者馮唐是也有以戲車

為郎者衛官是也。有以各五為郎者，吾丘壽王是也。有以從軍善射為郎者，李廣、鄭吉是也。有以經明、甲科為郎者，召信、臣王嘉是也。仲舒對策，總云更二千石子弟選郎吏，又以富訐者，蓋多出兩途也。夫所謂爵者，何也？**秦**爵二十等，自公士一級以上至不更四等，則比士大夫以上至五大夫，凡五等，則比大夫左庶長以上至大庶長九卿之義也。關內侯比古圻內之子男列侯，此古列國之諸侯。**漢**初因之，凡爵一級直錢二千，有赦則賜民爵一級，有罪則許民買爵，以免爵。公大夫以上者，得與令丞抗禮；爵五大夫者，有罪不入犴，犴爵士造以上者，當刑減一等；爵非公乘以上者，無得冠劉氏冠。爵至五大夫以上者，乃得復一人以樊噲、夏侯嬰傳，破之則爵之遷轉次第有不可紊也。然後又有武功爵，一曰造士，二曰開興，三曰良士，四曰元戎，五曰官首，六曰秉鐸，七曰千夫，八曰千夫以上得免繇役，八曰樂卿，九曰執戎，十曰政戾，庶長，十一曰軍衛，蓋武帝外事四夷，內興功利，國用空竭，不足以奉戰士，有司議令人得買爵及免罪，請置賞官，名曰武功爵。諸買武功爵官首者，試補吏，先

官每歲給祿以計者，總十五萬有奇，而在外不與其俸錢，則以公廩錢充攷之，通典在京每歲亦十五萬，是唐初俸祿久與米相等矣。

宋朝祿今定於嘉祐，往往俸錢多於祿米。

漢官不分流品	御評	任子	雜流
待詔	辟除	薦舉	守試

漢之用人不分流品

視其才能勳績等而上之，無有限格周勃以引強申屠以躐張薛，宣以書佐魏相以卒史皆致位為丞相，然其入仕之始等級次第亦自有品節存乎其間。其以明經文學進者，多除博士或大夫侍中，如嚴助、朱買臣、疏廣、平當之徒是也。其以材武勇猛進者，多除中郎將、驃騎、如公孫賀、衛瑄是也。張湯以法律進，則先以法官處之，故張湯為內史丞相掾，薦補侍御史，後為廷尉，皆法官也。黃霸以入粟補官，則先以財賦處之，故伯始以卒史領郡錢穀計簿，書正以廉且察補河東均輸長，皆掌財也。雖其始有所分別，而積功累勳，無不可任者。此漢官未免乎雜也。終

漢之世清濁混殺上下無別以宦者典領中書以醫術校書祕閣尚書
郎掌代王言而以令史久次補之宜乎丁耶耻以孝廉為郎也漢之取
人猶用鄉評武帝求賢良國人其推公孫洪以充賦萬石君以孝謹聞
郡國特以其子為郎中令一推兒寬則曰知之久矣一言蕭望之則曰
此東海蕭生耶一薦龔勝則曰固已知其名至於鄼食其家貧落簿縣
中謂之狂生韓信家貧無行不得推擇為吏陳湯巧貨無節不為州里
所稱是故能自持於鄉里然後州縣拔為幹佐曾更能自立於州縣者
然後五府辟為曹掾能自效於五府者然後為朝廷所選用也是以高
祖之初鄉縣各置三老相帥為善而設為孝廉之科以取士其殆有意
於鄉舉里選之遺意乎漢之取人有出於任子者二千石九卿得蔭子
弟為郎其為虎賁諸郎者皆許父老而子代之或沒于刺守而名績昭
著亦蒙恩典錄其後嗣如汲黯張安世皆以父任而袁盎亦以父任為
郎光祿勳歲以四行察其茂庶才迹優異始蒙遷舉銓君高第然後出
補長丞異時遷擢上而至於兩府初無限格然故之於吏貢禹以光祿

其韓延壽守左馮翊滿歲稱職為真張敞守太原滿歲為真蓋諸
初除皆試守一歲乃為真食全俸也唐世除吏尚循此制裴度可勳
郎中知制誥為中書舍人白居易行其制曰臺即滿歲班列當遷綸閣
之職所宜負授又韓愈權知國子博士三歲為真其所謂滿歲三歲雖
若各有其別然大率皆漢制也故通典載正觀令曰散官以職官高者
為守職事卑者為行官階相等無行無守高官兼攝下司者自漢世以
來謂之領宣帝世張安世以車騎將軍元帝世蕭望之以前將軍成帝
世王鳳以大將軍兼領尚書事是也

群書考索卷二十一

考後卷二十三

群書考索卷二十三

後集

山堂先生章俊卿編輯

建陽縣丞管韶同刊

○官門

漢太初官名

國改勿官制大抵侵秦公卿之職而成左右之勢度先朝之舊典設百分職率改爾圖者其弊一至于此

漢高帝紀綱大基度事草創而丞相宗正二官之置率不過因秦舊名歷惠歷文一意休養迄于景帝雖號稍有更革然自太常廷尉至于太守十餘官之外無他聞焉共惟世宗才雄畧大獲出千古凡厥制作既已爭先僣美於前代令主而官名之定至太初之元而又加詳焉故以即中令為光祿勳以典客為大鴻臚以大農令為大司農以中尉為執金吾而列卿武官之名定焉以祠祀為廟祀以中大夫為光祿大夫以

家馬為桐馬以行人為行令而太常光祿大僕鴻臚屬官之名定焉以
考工室為考工以左戈為攸飛以居室為保宮以甘泉居室為昆臺以
求巷為掖庭以東園主章為木工而少府將作大匠屬官之名定焉以
右內史為京兆尹以左內史為左馮翊以主爵都尉為右扶風以諸侯
王之太僕為僕而三輔之官與侯國之卿定焉至若置太卜於太常輅
軫於太僕別火於鴻臚建章營騎於光祿則帝之命名又皆有深意信
乎足為一代之法程也初帝在[建元]二年常省太尉之官明年置期門
又明年後廷尉自是稍有損益若五經博士若大司馬若司直若諫大
夫若水衡若都刺史若三輔都尉既各因事以建官因官以立名至是
庶也又定為徽號而易他官之弗雅馴者焉其後如司隸之直如羽林
之史如直指之選曰搜粟曰屬國曰農曰奉車曰駙馬則以命都尉之
官者也曰中壘曰屯騎曰步兵曰越騎曰長水曰胡騎曰射聲曰虎賁
曰護羌則以命校尉之官者也事有一官官有一名名有一義小大相
屬內外相維文武相資以濟登一時之治則帝之豐功偉烈挺然為士

制之右者其以此天

漢刺史

漢制十三部刺史按地理志云周改禹涂梁合於雍青分冀以為幽并
武帝攘却胡越開地作境南至交趾北至朔方之州兼徐梁幽并并夏
周之制改雍曰梁改京曰益凡十三部置刺史以此攷之則是初置十
三州刺史乃是禹貢九州之外加以幽并及交州朔方為十三也刺史
之置在元封五年後丁五年至征和四年始置司隸初猶未領郡也後
始察三輔三河弘農近郡云然郡守秩二千石而部刺史止六百石成
帝時何武翟方進言刺史位下大夫而臨二千石輕重不相準失位次
之序請罷刺史更置州牧成帝從之逮哀帝時朱博請罷州牧置刺史
未幾改為牧光武中興[建武]十[年]罷州牧而置刺史此刺史度置之大事
也部刺史既專以督察郡國為事凡二千石長吏有善狀者皆得以為
薦達于朝章帝世馬嚴奏故事州部所舉上奏司直察能否以懲虛實
觀此則知漢刺史雖任以督察而其防檢之法亦不為不備矣此刺史

薦舉之制也部刺史專以進退二千石長吏為職成帝故時朱博刺冀州行部吏民數百人遮道自言博使從事明刺告吏民欲言縣丞尉者刺史不察黃綬各自詣郡欲言二年石墨綬長吏使者行部還詣治所觀此則刺史所職特守令而已此其職之所止也世祖中興喜任明察舊制州牧奏二千石長吏不任位者事皆先下三公三公遣掾吏案驗然後黜退至是不復委任三府而權歸刺史之吏宋序上疏言之此可見刺史劾奏之制也百官志云諸州常以八月巡行所部郡國錄囚徒攻殿最歲盡詣京師奏事王尊傳云琅琊王陽為益州刺史行部至邛邛九折阪歎其路險何武傳武為刺史行部必先即學宮見諸生試以誦論問其得失此皆述其行部之制也刺史歲盡輒奏事京師翟方進刺朔方傳云所察應條輕舉再三奏事遷為丞相谷永刺梁州傳云奏事京師訖當之部何武刺揚州傳云每奏事至京師戴聖未嘗不造門謝恩此皆其事也至建武十一年初斷州牧自還奏事蓋自是而絕後漢云刺史歲京師奏事光武但因計吏不復奏事矣

此刺史奏事之制也漢世刺史專以六條察二千石朱博為冀州刺史行部不察黃綬何武為揚州刺史所舉奏二千石長吏必先露章服罪者為虧除免之而已是二者可謂得刺史之體至於鮑宣舉情煩苛代二千石聽吏訟所察過許條則勢偏郡國侵預其事初文帝時魏尚傳為雲中守軍市之租盡許以給士卒其於恩賜閭里止令丞尉親行自致文紀而歲時遣表丞相掾吏按行郡國每有調發則虎符參合以為驗文紀未聞遣使以生事者也武帝一切務興功利一介之使矯制州郡則發倉粟鼓鑿誅渠帥以興轉漕何馬斬司馬以調樓船職於是始遣命使以行於郡國州郡之權盡出於天子之使長安賈馬不具則當斬魏內史負租課數則當免魏會稽守計簿不上則賜書詰責甚者均輸鹽鐵等官分布措置漢元封五年則州郡無一孔之遺綉衣直指之使誅斷斬伐而州郡無一日之寧末年奸宄遂至於不可制蓋州郡之權輕動有牽制而不得逞及沈命之法嚴州郡惟恐自累而得罪宣帝懲武帝縱橫之弊一切還州郡之權丙魏為相時遺掾吏按事

郡國所奏者不過風雨火變而已長安吏民間殺橫道親過不問蓋不肯以一毫事外之職而親郡國之權是以趙廣漢守京兆請令長安游徽獄吏秩皆百石張敞相膠東諸吏捕盜有功者一切比三輔尤冀看張敞二事是帝留意吏治其寵任守相者至此

黃霸治河南則獨用寬和為名龔遂治勃海則得一切便宜從事且無拘於文法可以見假借諸郡國至此爾故堂謂文帝在位未嘗遣使遣

使之煩自武帝始勤農種麥則造謁者元狩三年存問鰥寡則遣博士元

六年詔帝遣廷尉問民疾苦元平五年宣帝遣御史掾舉冤獄元

元帝以方田作時蒸庶失業則遣光祿大夫元等十一人初元以郡國

水災而不能以自振則遣光祿大夫元等十一人成帝等元或遣太

中大夫存問耆老元或遣諫大夫元三輔元或至食貨志則又有好

農使溝洫志則又有河堤使者元志元又有鹽苑使者皆隨事而置也

非特此也漢郡國亦皆有他官按地理志京兆等郡則有鐵官渤海東萊等郡則有益官太原郡則有客馬官河內成都則有工官陳留

齊郡則有服官南郡有發弩官江夏有雲臺官廬江有樓船官九江有

陂官有湖官千乘郡有均輸官北陽郡有銅官元郡有橘官遼東郡有

牧司苑官南海交趾郡有園官有羸官蜀郡元官此皆領於朝廷之

官而布在郡國後志曰凡郡國出鹽多者置元官主鹽稅出鉄多者置

鐵官主鼓鑄有元多者置工官主工稅物有元池及魚利者置水官主

平水收魚稅此皆漢制之可效者也

漢武帝元狩元年詔曰朕嘉孝弟方田哀夫老孺孤寡鰥獨或置於

衣食甚冷元憫焉其遺謁者分行天下存問致賜

元狩三年遣謁者勸有水災郡種宿麥

元狩六年遣博士大夫六人分循行天下存問鰥寡廢疾無

以自振業者貸與之

漢昭帝始元元年遣故廷尉王平等五人得節行郡國問民所疾苦

免失職者

元始二年遣使者振貸貧民世種者

元始三年鳳凰集東海遣使者祠其處

漢宣帝元康四年遣太中大夫驪等十二人存問鰥寡覓觀風俗

五鳳四年以前使使者問民所疾苦復遣丞相掾二十四人循行天下舉寬欬察擅為苛禁深刻不改者

漢元帝初元元年方田作時朕憂蒸庶之失業臨遣光祿大夫褒等

十二人循行天下存問耆老鰥寡孤獨困乏失職之民

建昭四年間者陰陽不調五行失序百姓饑饉惟丞庶之失

業臨遣諫大夫博士賞等二十一人存問耆老鰥寡孤獨困

乏失職之人

漢成帝建始三年元元究失職者眾遣諫大夫林等循行天下

河平四年遣光祿大夫博士嘉等十一人行舉頽河之郡水

所毀傷困乏不能自存者財振貸其為水所流壓死不能自

葬令郡國給槨槨葬埋

陽朔二年關東大水流民欲入函谷天井壺口五阮關者遣

諫大夫博士分行視

鴻嘉元年方春生長時勿苛取臨遣諫大夫理等舉三輔三

河弘農寬獄

鴻嘉四年水旱為災關東流死者眾已遣使者循行郡國被

災害什四以上民貨不滿三萬勿出租賦貸未入皆勿收

漢平帝元始元年遣諫大夫行三輔舉藉吏民以

元壽二年倉卒時橫賦歛者賞其直

漢守令

漢郡守地大而權重故二千石得以專制而有以盡其才趙廣漢將兵

屬蒲類將軍擊匈奴朱買臣將兵與橫海將軍擊東越是其兵得以自

將而征討矣朱博名見諸曹吏書佐及縣大吏選視其可用者盡斥罷

諸病吏薛宣移書屬郡縣易置惟其所為是其僚吏得以自進退矣

而又減省他用而自興學校尹翁歸論治東海大豪而一郡莫敢犯禁

是其財賦刑獄又得以斟酌輕重而自用之矣然觀張敞與朱邑書曰

值敞遠守劇郡馭於繩墨宵旰約結固無奇也雖有亦安所施龔遂之
為渤海亦願丞相御史且無拘臣以文法得一切便宜從事則知宣帝
固知懼其專制而馭之以法矣夫是以漢之卒其地雖大其權雖重俯
首聽命惟上所令而不聞其跋扈難制之患蓋上有馭之道也杜延
年吾立壽王一以治郡不進盜賊竊發則覆書詰責之而治行第一課
最上聞者有增秩賜金之寵責實之政嚴賞罰之用明此漢之所以多
循吏也然漢自武帝以來凡輔從左右之士如中郎太中大夫及博士
以上初無遷轉之法必補守相外任或治効顯著則入補九卿若治郡
無狀則不復升矣是以人皆樂從而治郡亦多勉勵此亦良法也嚴助
以中大夫守會稽上賜書曰君厭承明之慮勞待從之事懷故士出為
郡吏是也以其三年不上計則因留待中不復與轉地官矣朱買臣亦
以中大夫守會稽破東越有功乃召入為主爵都尉列為九卿汲黯亦
以中大夫守東海歲餘入治召入為主爵都尉列為九卿兒寬以中大
夫遷左內史議封禪稱意

御史大夫公孫共以博士一歲至左內

史為內史數年遷御史大夫蓋自侍從左右出補守相乃漢初之法武
帝用之甚彰明也宣帝頗留意守相申明武帝法選博士諫大夫通政
事者補郡國守相蕭望之以丞相司直守平原不樂乃上疏以為出諫
官以補郡吏所謂憂未而忘本此乃不知漢之典故而持此論耳由是
觀之內秩卑而出當外任無不效功而樂進若內秩崇而補出為左遷
雖賢者亦不樂此若雖有待從文學之才而不明於政事不得選用則
老於郎中大夫之間而終不得越遷東方朔言武帝既招英俊程其才
能用之如不及時國家多事自公孫洪以下至司馬遷皆奉使方外或
為郡國守相至公卿而朔嘗至太中大夫後常為郎與枚臯郭舍人俱
在左右恢諧而已枚臯傳言臯拜為郎殊黷貴幸比東方朔郭舍人等
而不得比嚴助傳得尊官蓋可見也漢制萬戶以上為令其秩千石至
六百石不為卑矣有丞尉以佐治又有三老嗇夫游徼相與助其縣事
故凡舉賢良孝廉茂才直言者皆得遷補焉其或郡縣吏勞績著光祿
勳率四行亦得為令議者以循吏傳不紀縣令往往以令為卑而不知

漢之待縣令顧亦不輕魏相以茂陵令而遷刺史焦延壽以小黃令以課最而增秩蓋未始視令為卑秩也至於境有盜賊不專責之任而責之游徼朱博是也刑有非常則已或造獄而不拘於律王遵是也韓延壽為左馮翊不肯出行縣曰縣皆有賢令長督郵分明善惡於外行縣重為煩擾朱博為琅邪太守不肯令祿行縣曰縣自有長吏府未嘗與也薛宣得吏民罪名使縣長吏自行罰不欲代縣治若是者又皆縣令得以自為而不制於州郡故能不迫於勢不拘於職盡其已之所當為而聘其長才未始一切束於郡太守也漢初縣令長無表表著聞者武宣而下始聞見之選補之初說者以為自即以上至于中即凡四等專以待補縣令故後漢猶言即官出宰百里然詳而考之亦豈盡出於即官也蓋有自孝廉舉者趙廣漢王尊是也有自賢良舉者魏相貢禹是也有自直言舉者王尊是也有自方正舉者房鳳是也有自茂才舉者薛宣龔勝是也有自四行舉者何武是也有自能治劇而遷者陳遵尹尊是也有自為吏積功而遷者朱博王詵是也則進之之路亦廣矣然

必出於天子之命非州郡所能辟置故張敞補吏有功者數十人為縣令必上名尚書雖薛宣使兩令換縣亦必奏聞而後行事此其實也至於治迹著頃刻超遷之賞亦厚故有遷郡守者王尊魏相是也有遷刺史者朱博是也有遷諫大夫者劉輔是也有遷京輔都附趙廣漢王詵是也有遷御史中丞者薛宣是也亦有吏民所愛而增秩復留者焦延壽是也然治漕運如卜式除盜賊如尹賞舉兼吏如薛宣無非其職者甚者魏相為茂陵許御史傳者至於葉市何並為長令侍中犯法者至於斷頭權任亦可謂重矣然有謁郡守則步入府而因吏謁迎天子之使者則負弩矢而前驅督郵察縣得以按劾記激見及不免解印甚者綉衣使者至欲斬王詵買馬不具至於斬長安令恩遇不降莫此為甚此汲黯所以稱疾歸田里孔光所以自免歸教授貢禹一受責而免冠即去也前漢每有詔下言守而不言令至後漢稍重其權故明帝嘗詔不得繆辱黃綬詔下始言守令矣

群書考索卷二十三

後集

群書考索卷二十四

後集

山堂先生章俊卿編輯

建陽知縣區玉校正

縣丞管韶同校

○官門

歷代守令

自秦廢封建之法罷侯置守漢興孝文始為銅馬竹使之符而景帝立
未墜兩轡之制凡以重郡國之任故有守令入為公卿出宰百里其有
治理效著增秩賜金久任其任故終漢之世風流美績班班可考焉若
黃霸以教化治潁川龔遂之儉約化渤海朱邑以存問耆老為心文翁
以建立學校為盛信臣以興科勸農而盜賊衰社詩以誅暴清平而威
名赫立以至任延學禮於九真錫光變俗於交趾魏尚廉范之守雲中
而匈奴逃遁祭彤陳禪之守遼東而胡蠻服皆刺史郡守之得人者
也至於萬戶之令一邑之長皆有著稱傳德則大丘之陳寔教化則雍

立之劉矩卓茂之治密則人愛而不欺魯恭之治中牟則化及而致異
以至董宣之在洛陽劉昆之在江陵虞詡之在朝歌鐘離意之在段丘
此皆前世得人之盛而後世莫及焉及曹魏之世則杜畿之守河東鄭
渾之為沛郡倉慈之抑權右蘇則之撫流俗至於為令則有若楊沛之
宣奉科法焉晉室之興則魯芝之勉以黃霸胡威之傳父清德鄧攸開
倉以賑貧曹摠縱囚而復會至於為令則有劉超之推誠於物焉宋氏
之世間有其人王鎮之之不受俸祿江表之之不營田業杜惠度之為
政纖密則如治其家斯亦顯然而可道者也至於南齊則虞愿以清廉
顯於晉安傅琰以奇績顯於山陰南梁則庾翼以潔白稱於會稽丘仲
孚以權變過於劉傳北魏則張鷹清白著稱實矣政績聲譽齊宋世良
施八條之制盜奔境房豹以一井得甘泉為政所致降及于隋則有若
梁彥光之守鄴郡而以儒學移風俗公孫景茂之治零陵而以秩俸買
牛犢辛公義則又有慈母之稱魏德深則有歸市之感漢唐之代多得
其人韋仁壽之鎮撫南蠻賈敦順之治東洛倪若水隆儒於汴州薛大

鼎興利於滄州田仁會之暴身致雨韋景駿以至孝感人擒盜輒捨則
元德秀道不拾遺則張允濟與夫李朝隱之清正剛烈韋抗之不事威
刑至於五代之際猶不乏人如郭延魯之守泌州而父子繼聲待令謙
之治趙郡而號為政此亦一時循撫之吏也夫曰魏晉以降其間守令
之賢雖隨世而有然終不及兩漢何哉文中子續詩至郡縣之政每傷
焉曰其從也雖有善政未及行也蓋必有久任責成之意而後吏治可
興也

漢元功侯籍

自古帝王之興必有英傑之輔經營共其始成始同其功安樂增其眷
而悠久襲其慶故太常之書司勳之二盟府之藏周家之制其有由來
矣漢高帝龍興泗濱虎嘯 豐谷一時之士咸願效其尺寸以垂著於
竹帛始自未文之歲魚鱗雜襲墳然來附五年而東克項羽趣定功而
行封六年而剖封功臣曹參等皆為通侯蓋始有通侯之籍矣班氏作
史本原其功以為八載之後侯者百四十有三人有封不之誓冊書之

群書考索卷二十三

後集

群書考索卷二十四

後集

山堂先生章俊卿編輯
建陽知縣區玉校正
縣丞管韶同校

○官門

歷代守令

自秦廢封建之法罷侯置守漢興孝文始為銅馬竹使之符而景帝立
未釐兩轡之制凡以重郡國之任故有守令入為公卿出宰百里其有
治理效著增秩賜金久任其任故終漢之世風流羨績班班可考焉若
黃霸以教化治潁川龔遂之儉約化渤海朱邑以存問耆老為心文翁
以建立學校為盛信臣以興科勸農而盜賊衰杜詩以誅暴清平而威
名赫立以至任延學禮於九真錫光變俗於交趾魏尚廉范之守雲中
而匈奴逃遁祭彤陳禪之守遼東而胡蠻服皆刺史郡守之得人者
也至於萬戶之令一邑之長皆有著稱脩德則大丘之陳寔教化則雍

立之劉矩卓茂之治密則人愛而不欺魯恭之治中年則化及而致異
以至董宣之在洛陽劉昆之在江陵虞詡之在朝歌鐘離意之在段丘
此皆前世得人之盛而後世莫及焉及曹魏之世則社畿之守河東鄭
渾之為沛郡倉慈之抑權右蘇則之撫流俗至於為令則有若楊沛之
宣奉科法焉晉室之興則魯芝之勉以黃霸胡威之傳父清德鄧攸開
倉以賑貧曹攬縱囚而復會至於為令則有劉超之推誠於物焉宋氏
之世間有其人王鎮之之不受俸祿江表之之不營田業杜惠度之為
政纖密則如治其家斯亦顯然而可道者也至於南齊則虞愿以清廉
顯於晉安傅琰以奇績顯於山陰南梁則庾華以潔白稱於會稽丘仲
孚以權變過於劉傳北魏則張鷹清白著稱實爰政績聲譽齊宋世良
施八條之制盜奔境房豹以一井得甘泉為政所致降及于隋則有若
梁彥光之守鄴郡而以儒學移風俗公孫景茂之治零陵而以秩俸買
牛犢辛公義則又有慈母之稱魏德深則有歸市之感漢唐之代多得
其人韋仁壽之鎮撫南蠻賈敦順之治東洛倪若水隆儒於汴州薛六

鼎興利於滄州田仁會之暴身致雨韋景駿以至孝感人擒盜輒捨則
元德秀道不拾遺則張允濟與夫李朝隱之清正剛烈韋抗之不事威
刑至於五代之際猶不乏人如郭延譽之守泌州而父子繼聲待令謙
之治趙郡而號為政此亦一時循撫之吏也夫曰魏晉以降其間守令
之賢雖隨世而有然終不及兩漢何哉文中子續詩至郡縣之政每傷
焉曰其從也雖有善政未及行也蓋必有久任責成之意而後吏治可
興也

漢元功侯籍

自古帝王之興必有英傑之輔經營其始成始同其功安樂增其眷
而悠久襲其慶故太常之書司勳之二盟府之藏周家之制其有由來
矣漢高帝龍興泗濱虎嘯豐谷一時之士咸願效其尺寸以垂著於
竹帛始自未文之歲魚鱗雜襲墳然來附五年而東克項羽趣定功而
行封六年而剖封功臣曹參等皆為通侯蓋始有通侯之籍矣班氏作
史本原其功以為八載之後侯者百四十有三人有封不之誓冊書之

信白馬之盟又有十八侯位次之作并述其後以功次定朝位表漢興以來功臣因其元功之侯籍以昭之夫所謂十八侯者何也蓋嘗攷之顏師古之注則以為蕭何也曹參也張敖也周勃也樊噲也酈商也奚涓也夏侯嬰也灌英也傅寬也靳歙也王陸也陳武之與王吸也薛歐之與周昌也丁復之與蟲達凡十八侯者此其功之尤著者也既定十八侯之位合而言之則有四十三人皆著于籍而謂之元功其尤大者若禹成功而升於帝若且有勲而封於魯以及其次灑景同番悉傳苗裔若圖大蒸而誇爾祖之與若君牙受任而羨世榮之紀君之報於臣臣之報於君歷萬世猶一日也自時厥後開廟藏書懸宣帝以隆中興之祚四七位命按籍成在元武以傳再造之業後廢所尚皆高皇發之若乃蕭何位第一而居表之十三曹參為次而居表之首周勃位第四而居表之十四蓋籍以功為序而表以封前後為序也陳平與張良同為腹心平之位乃在四十七而良之位乃在六十二或者曰此良平之智當其以功次定朝位之際自貶以晦其迹而非元功之本籍然班

固作泗水亭錄十八侯之次有良平紀通而無奚涓歐薛丁復則知良平之在侯籍本非下第也若張敖本無大功可以為蕭曹平勃之亞而其班乃在二得非以其肺腑之恩乎若表之序侯者百四十三人而表增十人去其外戚王子而猶為百四十有七人得非其或有所附益乎亦不可不知也其後在孝文時乃有弓高襄城之封而外來者亦侯在孝惠時始開封賞之科而降者亦侯在武帝時興胡越之伐而將帥受爵凡應本約者亦封後世承平頗有勞臣故班固於高惠高后文功臣表之後又表景武昭宣元成功臣輯而序之以續元功之次又所以見其君能繼高帝之志云

漢侯籍本末

高帝五年冬克項羽趣定功行封。六年十一月甲申始剖符封功臣曹參等為通侯說十二年侯者百四十有三人

今謹按史記年表高祖功臣凡百四十三人班固表位次百三十有七人加呂外戚王子六人亦凡百四十三人而表尾定數乃曰百四

十七人加外戚王子凡百五十三人固之誤也或者傳寫之訛四十七人當作三十七五十三當作四十三

封爵之誓曰使黃河如帶太山若礪國臣永存愛及苗裔於是申以冊書之信重以白馬之盟又作十八侯之位次表

高帝與功臣剖符作誓文書鐵契金匱石室藏之宗廟。列侯畢又受封至奏位次皆曰平陽侯曹參功最多且第一然上心欲何為第一鄂千秋曰蕭何當第一參次之上乃令何第一

蕭何曹參張敖周勃樊噲鄼商奚涓夏侯嬰灌英傅寬靳歙王陵陳武王吸薛歐周昌丁復轟達從第一至十八也

右見顏師古注

鄼侯蕭何第一

今謹按文穎曰鄼音養臣鄼曰國在平陽師古曰或云何封沛郡鄼縣才何及非也按地理志平陽郡縣云侯國沛郡縣不云侯國也孫氏曰有二縣音多亂為師者音養為平陽者音養茂陵書何封國在

平陽更呼贊今呼嶷嶷齊字作鄼所由亂也

舞陽侯樊噲第二

留侯張良第三

絳侯周勃第四

平陽侯曹參第五

戶牖侯陳平第六

今謹按世家高帝封平為戶牖侯帝出平城南過曲逆乃呂平為曲逆侯是戶牖為始封而後封曲逆也今十八侯位次從平始封則位次作于圍平城之前也曲逆二字在漢書音義亡別音五臣注陸士衡高祖功臣頌云曲音區句反逆音遇不知何所據漢書高帝紀云又戰曲遇東蘇林曰曲音麴遇音顛師古曰麴立羽反恐地不同非其證也

南宮侯張敖第七

曲陽侯鄼商第八

穎陰侯灌英第九

汝陰侯夏侯嬰第十

陽陵侯傅寬第十一

表謚景漢列侯位次傳謚忠武

信武侯靳歙第十二

安國侯王陵第十三

襄平侯韓信第十四

棘津侯陳武第十五

曲成侯轟達第十六

汾陰侯周昌第十七

青陽侯王吸第十八

右見班固泗水亭銘

高后二年詔曰高皇帝臣飭天下諸有功者皆受分地為列侯朕思念至於久遠而功名不著亡以尊大誼施後世今欲差次列侯功臣定朝位藏于高廟世世勿絕嗣子各襲其功位其與列侯議定奏之丞相臣平等言謹與絳侯臣勃曲陽侯臣商穎陰侯臣嬰安國侯臣陵等議列侯幸得賜餐錢奉邑陛下加惠以功次定朝位臣請藏高廟奏可本高后復詔陳平盡差列侯之功錄第下竟藏諸宗廟嗣在有司表

呂氏曰自十九臣下皆平所定也平之第在四十七其自處固善而晉侯之第尚在六十二何邪蓋平以知自將固不與功臣爭先若晉侯澹然事外雖存曲逆之前亦所不顧也

高帝素諒雅意在當時先後必畧有定次高后世特因其舊而詮品之耳

曹參位第二而表在首蕭何位第一而表在十三表以封前後故也

注

高祖自云吾得天下緣張良稱其才也叙位乃以曹參此蕭何校其勤也至如戶數多少或以才德或以功勞亦一定也故稱蕭何位第一戶唯八十張良一萬戶而位過六十他皆類此師古。又記呂后七年丞相平言武信侯呂祿位侯位次第一請立為趙王

呂氏曰蓋高帝定十八侯位次何第一參第二敖第三今年盡定諸侯朝位蕭曹皆死必逆遷張敖第一敖既死遂以祿補其處耳

孔衍魏漢春秋曰漢高祖封許負為明雌亭侯裴松之以為漢高祖時封皆列侯未有卿亭之爵疑此封不然

景帝子中山王勝勝子貞元狩六年封涿縣陸城亭侯劉備

漢麒麟功臣

宣帝甘露三年單于始入朝上思股肱之美乃圖畫其人於麒麟閣法其形貌記其官爵姓名凡十有一人首博陸侯姓而不名次張安世次韓增次趙充國次魏相次丙吉次杜延年次劉德次梁丘賀次蕭望之

次蘇武皆有功德知名當世是以表而揚之明著中興輔佐列於方叔召虎仲山甫為自黃霸于定國朱邑張敞尹翁歸夏侯勝等皆以善終著名然不得列於名臣之圖以此知其選矣

蘇武傳

漢宣帝甘露三年單于始入朝上思股肱之美乃圖畫其人於麒麟閣

法其形貌著其名爵姓名

惟霍光不名曰大司馬大將軍博陸侯姓霍氏

次曰衛將軍富平侯張安世 次曰車騎將軍龍領侯韓增

次曰後將軍營平侯趙充國 次曰丞相高平侯魏相

次曰丞相博陽侯丙吉 次曰御史大夫趙平侯杜延年

次曰宗正陽城侯劉德 次曰少府梁丘賀

次曰太子太傅蕭望之 次曰典屬國蘇武

皆有功德知名當世是以表而揚之明著中興輔佐列於方叔召虎仲甫為凡十一人

又論

博陸侯躬秉節誼定萬世策以安宗廟功德甚茂其冠群后尊而不名

張安世宿衛忠正勤勞王家 韓增寬和有守世載令聞

趙充國料敵制勝奮威先零 魏相嚴毅蕪正總領衆職

丙吉寬厚不伐同心輔治 杜延年典司朝政練習憲章

劉德宗室之良持身謹厚 梁丘賀儒術自進列位九卿

蕭望之忠正不撓經術該明 蘇武執節忘身不辱國命

漢建武封功臣

漢光武以睿明英武之資龍飛白水洗滌氛祲復振炎統羣臣翼附爰立雋功昆陽既捷尋邑奔殪進拔邯鄲北州弭定尤來大捨巢穴蕩析銅馬朱鮪先後乞降雖雄斷廟謨冠鞅古昔而出奇畫策推鋒鏖戰抑謀臣猛將是賴厥既即祚高邑定都洛陽帝謙然不以為己功推勞于下以建武二年封功臣皆為列侯大國四縣餘各有差博士丁恭議質

古制盛意隆旨曲示優渥乃命錫者昇以印綬乃頒制策滿溢示戒謹爾侯度傳爾子孫長為藩屏以固王室若鄧禹則自鄼侯而更封梁陳俊則自列侯而更封新縣蓋延則自建功侯而更封安平若景奔之於好時王霸之於富波任光之於阿陵李忠之於中水皆更封也若方脩之於槐里劉植之於昌城朱祐之於堵陽杜茂之於若陘亦更封也其定封寇恂馮異則有雍如陽夏之別其定封吳漢蔡遵景丹則有廣平頴陽櫟陽之號曰固始曰成安則以封李通臧官曰昆陽曰仇父則以封陳俊如陰曰拾邑曰武陽則以封宋洪宋浮賈復以冠軍益封而加二縣陰識以陰鄉增封而遂爵邑丁淋以不求黃縣而封定陵新安卿侯史冊所書焜耀鳥奕殆與元功侯籍相為始終厥後東克青齊西定隴右膏蜀之區既平既一故建武之十三年班勞策勳更封增邑凡三百六十五人又益盛矣高秩尊禮更職不任特進朝請加于元勳優游含洪流慶乎後計慮深遠何以尚茲至永平之世慨想舊烈而繪象于雲臺逮夫永初肆追盛懿而以紹封大功臣揆無深端皆建武之制豈

之美

東漢表及本傳建武二年丁恭議封功臣

淮陵侯王霸建武二年更封富波侯十三年增戶邑更向侯

阿陵侯任光建武二年更封阿陵邑萬戶

中水侯李忠建武二年更封中水邑三千戶

槐里侯萬脩建武二年更封槐里侯

昌城侯劉植建武二年更封昌城侯

觀津侯劉喜建武二年更封觀津侯

浮陽侯劉歆建武二年更封浮陽侯

劉植傳王即起植與弟喜從兄歆率宗族賓客聚兵數千人據昌

城迎世祖建武二年更封植為昌城侯討密縣賊戰歿子向嗣帝

使喜代將植營復為驍騎將軍封觀津侯喜卒復以歆為驍騎將

軍封浮陽侯

櫟陽侯景升建武二年更封櫟陽邑萬戶

傳建武二年定封母襍陽侯帝謂丹曰今聞東故王國雖我縣不
過襍萬戶邑夫富貴不歸故鄉如衣錦夜行故以封鄉爾
雍奴侯冠恂建武二年平穎川封雍奴邑萬戶

傳建武二年定封恂雍奴侯邑萬戶

安平侯蓋延建武二年更封安平侯十三年增封食邑萬戶

陽夏侯馮異建武二年定封陽夏侯

廣平忠侯吳漢建武二年定封廣平侯食廣平斥漳曲周平

傳建武二年帝遣使者平璽書漢為廣平侯食廣平斥漳曲周平

凡四縣

菑侯朱祐建武二年更封堵陽侯十三年增邑定封菑侯邑七千三

百戶

高密元侯鄧禹建武二年春更改梁侯十三年定封高密侯食四縣

傳建武二年春遣使者定封禹為興侯

膠東剛侯賈復建武二年八月封三縣

傳建武二年益封穰朝陽二縣十三年定封穰侯食二縣

祝阿侯陳俊建武二年更封新處侯十三年增邑定封祝阿侯

參遽鄉侯杜茂建武二年更封若陞侯十三年增邑更封蓀侯

穎陽成侯祭遵建武二年春定封穎陽侯

傳建武二年春征虜將軍定封穎陽侯

固始恭侯李通建武二年封

傳建武二年封固始侯

山桑節侯王常建武二年封

即陵愍侯臧宮建武二年封

成安侯銚期十三年增邑封都侯

好時愍侯耿弇建武二年封食邑二縣

傳建武二年更封好時候食好時二縣十三年增邑

慎靖侯劉隆建武二年封亢父侯

傳建武二年封亢父侯十三年增邑更封竟陵侯

昆陽威侯傳俊建武二年封

新息侯朱浮建武二年封舞陽侯

陵陽侯丁綝建武二年封定陵新安鄉侯

傳丁鴻父綝建武元年拜河南太守乃封功臣

帝令各言所樂諸將皆占豐邑唯綝願封本鄉或謂綝曰人皆

欲縣子獨求鄉何也綝曰昔孫叔敖勸其子受封必求堯堯之

地今綝能薄功微得鄉享矣帝從之封定陵新安鄉侯食邑五

千戶後從陵陽侯

宣平侯宋弘建武二年壬子封桐邑侯

傳建武二年代王梁為大司馬封桐邑侯

群書考索卷二十四

後集

群書考索卷二十五

後集

山堂先生章俊卿編輯

木石山人劉弘毅校正

○官門

官兵士風田賦刑法曆法

法久而必弊天下必然之勢也弊久而必變人主更新之治也昔者聖

人作易論黃帝堯舜之治而乃歸之於通其變使民不倦夫當累聖相

承之日而聖人通變之說乃或出於其間是豈所以為繼承之訓哉蓋

自古人憂治天下有繼承之規有因仍之弊故守繼承之規者固不可

有輕變之心處因仍之弊者則不可無通變之道官之日以冗也兵之

日以衆也士風之日以浮薄也田賦之日以重也刑法或不能以勝人

之情偽也營法或不能以合乎天象也是皆治道之大綱國體之所重

而人主實維持而運轉之其可坐視其弊而不思所以變而通之者乎

聖人於易丁寧其說曰化而裁之存乎變推而行之存乎通正欲天下萬世通行而無弊也愚嘗歎是說之不明於世也久矣漢之官以三公分掌九卿而侍御史分制守相然有事則御史下相國相國下諸侯者御史中執法下郡國制官非不善也至於後世增置加官而近臣盛入財為郎而即選表置刺史建水衡郡國出塩多者置塩官有工多者置工官故漢之官日趨以弊漢之兵京師則有南北軍郡國有材官騎士民年二十則傳于籍而歲及立秋則嚴兵法之隸制兵非不善也至於後世內增七校外置樓船城門則有兵六郡則有良家子隴西北地則有戍卒而調發之數及於七科謫故漢之兵日滋於弊諸丞相府書行義年詔下郡國考蕪具舉其取士之法可知也至其弊也上書自鬻者日以千數而功令樸士願乃誘以利祿士風烏得而如古十五稅一視古為輕租稅之減或及其半其田賦之法可知也至其弊也假民之田者則有稻田使者掌其賦池苑之所田則有水衡都尉以掌其入田賦為得而復古自三章而九章禁罔踈闊而民重犯法不為不要矣及張

湯趙禹之流更法定令奏報錄囚殆不可以數計見知故縱之法出而人始不得以安其生矣刑於是而又弊自顯帝至于太初以律起數而得九九之數不為不精矣及四分曆行而其名乃出於圖讖至乾象曆雖鄭元以為精密而或者以為減斗分太過曆於是而又弊夫以六者之弊漢家皆不免而竟未有起而振之而使之無弊此更新之治所以不復見於漢也唐之官以三省長官為宰相臺省寺監上下相承中書造命門下審覆尚書奉行制官非不善也至於後世斜封墨敕其濫為甚諸使之名紛然四出督賦稅則以租庸為之使急財用則以鹽鐵為之使故唐之官日趨於弊唐之兵當上諸府而隸於諸衛折衝果毅以季冬防團火隊等級相統無事則耕於野有事則命以出兵解輒罷置兵非不善也至於後世當役更代多不以時所謂侍官委假充役州縣調發壯勇而富者以財免貧者雖老弱亦不得而逃故唐之兵日趨於弊由學館者曰生徒由鄉貢者曰貢舉至於制舉則天子自詔其取士之法可知也至其弊也明經者但記帖括進士者皆誦當代之文而不

通經史士風烏得而如古以口分世業授之田以租庸調制其賦其田賦之法可知也至其弊也兩稅之法乃定於天曆科率最多之歲而其後折納和市之法開至比大曆又再倍焉田賦安得而復古自武德之十二條而貞觀遂定之以律令格式條目森列不為不審矣及周興來俊臣之徒日以嚴酷從事至其後如所謂開元格後勅者大抵繁冗而吏反旁緣而為姦此豈非刑之弊乎自武德戊寅曆而至於大衍以易起數而本於天地之二中不為不精矣至元和觀象曆則無節章之法而測驗不合邊罔崇元曆雖號善筭而乃用簡捷超徑之術無復古法矣此豈非曆之弊乎夫以六者之弊唐皆不免未有能振而起之使之無弊者此更新之治所以不復見於唐也。請以周明之周之成王亦繼承之主也當累聖相承之後方且定都中土以肇新其治以言其官則董正治官設官分職舉天下之事率屬於三百六十之中故官不冗而事以舉以言其兵則師旅伍旅兩定於司徒四時教戰掌之司馬故兵不冗而國以強於旌師書孝弟睦婣以黨正書德行道藝於卿大夫

三年大比則舉賓興之典以作天下之士而士風日盛司徒掌任地之法載師掌近郊之賦而九賦九貢則冢宰又總統之以均天下之財而田賦日輕司寇有議親議功之法士師有五禁五戒之辨至於布憲以憲邦之刑禁宣布于四方則其於刑也何患乎畧馮相之辨四時之叙保章之志日月星辰至於太史則正歲年以序事頒告朔于邦國則其於曆也何患乎差舉是數者皆舉而更新之此所以能觀文王之景光揚武王之大力也大抵繼成之治初非苟安於因循變通之義初非有矣於遵守自後世執繼承之說而不深明聖人變通之義此所以處天下之積弊而常患其多弊也愚以為天下之弊不足慮也於繼成之初而一掃天下之積弊而更新之是乃聖治又新之日也王通氏曰通其變天下無弊法湯之盤銘曰日日新愚敢以是為今日獻

監司

古者五國以為屬屬有長十國以為連連有帥三十國以為卒卒有正二百一十國以為州州有伯故冢宰施典于邦國則必首之以設其牧

職方氏邦國小大之相繼則必始之以王設其牧此即古之監司也迨
秦罷封建而置郡縣有御史以監諸郡漢刺史無常負時遣丞相史分
刺諸州黜陟賢否斷理冤罪武帝始置十三部刺史秩六百石專以六
條察二千石郡守秩二千石而部刺史為之監臨秩不過六百石其秩
卑其權重故能激昂而自奮也朱博為冀州刺史行部不察黃綬吏民
有言縣丞尉者令各詣郡何武為揚州刺史所舉奏二千石長吏必先
露章服罪為虧除免之而已是二者可謂得刺史之體至於鮑宣舉指
煩苛代二千石掾吏聽訟所察過詔條則勢逼郡國侵預其事矣成帝
時何武翟方進奏刺史位下大夫而臨二千石輕重不準乃更為州牧
秩員二千石哀帝復為刺史元壽復牧後漢光武復置十二州刺史其
一則屬于司隸校尉舊制州牧奏二千石長吏事皆先下三公三公遣
掾吏按驗然後黜退光武重刺史之權故不復委三府按驗矣李膺為
青州刺史守令畏威賈琮有冀州刺史百城聞風振竦唐分為十道置
巡察使其後改為按察使姚崇在開元時云今擇十使猶患未得人亦

可見其遴選矣慶曆初仁宗開天章閣俾二三元老條陳當世之務而
富公弼范仲淹請二府通選按察使為對於是張溫之王素沈遼分道
按察黜陟幽明而政令一新范祖禹曰祖宗刻削藩鎮收鄉長鎮將之
權悉歸於縣收縣之權悉歸於州收州之權悉歸於監司收監司之權
悉歸於朝廷上下相維輕重相制民自徙罪以上吏自罰金以上皆出
於天子

守令

古者分土為三公侯百里伯七十里子男五十里各治其國之民而縣
有縣正各掌其縣之政令而賞罰之自秦罷侯置守而守之名立漢萬
戶以上為令而令之制詳文景之時河南守吳公蜀守文翁之屬皆謹
身率先居以廉平孝武時董仲舒兒寬公孫洪居官可紀孝宣拜刺史
守相親親見問常稱曰庶民所以安其田里而政平訟理與我共此者
其為良二千石乎以為太守吏民之本也數變易則下不安故二千石
有治理效輒以璽書勉勵增秩賜金公侯關選諸所表以次用之是以

漢世良吏於是為盛若趙廣漢韓延壽尹翁歸之屬皆稱其位召信臣之守南陽未邑之守渤海皆以治行第一稱魏相以茂陵令最而遷刺史韓延壽以小黃令最而被增秩西漢之守令何如哉光武以細書賜方國自臨宰邦邑者競能其官杜詩之守南陽則有杜母之號郭伋之守潁川則有賢太守之名以至卓茂之為密令而教化盛行王煥之令洛陽而寬猛得宜東漢之守令何如哉唐太宗嘗曰永惟治人之本莫重刺史故錄刺史於屏風又詔內外官五品以上舉任縣令於是官得其人元宗開元時復詔三省侍郎闕擇嘗任刺史者即官闕擇常任縣令者張九齡言於元宗亦曰不歷刺史不得任侍郎不歷縣令不得任臺郎給事是以賈頤之在冀州鄭德之在瀛州薛文鼎之在滄州皆有治行故時號為河北三刺史賈實之令饒陽則政尚清淨張允濟之令武陽則孜孜於愛利何易于之令益昌則以俸入而代輸賦唐之守令何如哉慶曆初天子銳意致治而富公弼范仲淹首以守宰不職請二府通選按察使為對切致轉運之職置於開寶提點刑獄之司置於

淳化至于嘉祐而轉運復分運判之目熙寧更新治具增置提舉常平之官彼皆使者也苟監司得其人則守令之不稱其職無有也昔范公祖禹作唐鑑因姚崇擇十使之事而有及於守宰監司之弊而其說曰十使者擇刺史縣令而置之則君不勞而天下治

冗官

周建六官屬各六十總之為三百六十焉其間如掌書掌泰之屬說者則以為必兼官無事則未必置也行司馬與司馬之屬說者以為非專官臨事而後置也至於冢宰歲終之詔廢置又有所廢者焉司士之歲登辨其損益之數則又有所謂損者焉夫以三百六十之職以待天下之才而其中又為之省約如此則天下之官安得而冗漢初建官以三公統九卿以丞相史分刺郡國衛將軍也或至詔罷即問決獄或責之廷尉是以量吏祿度官用以賦於民而歲漕關中粟以給中都官初未見其冗也自武帝以好大喜功之心承文景積累之餘故治財之官既有大司農矣而又有水衡都尉焉既有少府矣而郡國又置鹽鐵

之官焉治兵之官既有衛尉矣而羽林期門復置焉既有中尉矣而越騎胡校尉復置焉廷尉之外又有京師三十六獄則治獄之吏冗刺史之外又有綉衣直指之使則分刺之官冗光武中興於是為之減省吏員併縣置四百餘吏十置其二能禁錢而去水衡併七校而罷都尉三十六苑止置一苑黎陽五營止存一營漢世冗官之弊於是而遂革唐初太宗省內外官制為七百三十員曰吾以此待天下賢才足矣故三省而下繼以六部六部而次繼以九寺臺有御史而獨司糾察監有八監而互以相繼是以唐世號為簡易之法官不冗而祿易給初未見其冗也自中覆而後斜封墨敕之弊分散四出而車載斗量之譏日以滋甚如以開元天寶之間兵興多事於是靡然無度水陸則有使矣而租庸又置使焉度支既又使矣而鹽鐵又置使焉木炭則有使青苗則有使群牧置使而大僕之職冗戶口置使而戶部之職冗李吉甫以為內外官仰俸廩者無慮萬員財日寡而受祿多官有限而調無數於是減省冗官凡八百矣李德裕之相武宗亦以為省官不如省吏於是請罷

郡縣吏凡三千餘員唐世冗官之弊於是而遂革蘇軾以為近世以來吏多而闕少率一官而三人共之居者一人去者一人而伺之者又一人

又任

古者設官分職以為民極官府六屬屬各六十天官之掌邦治地官之掌邦教而治教不相紊也宗伯之掌邦禮司馬之掌邦政而禮政不相亂也司寇之掌邦刑司空之掌邦事而刑之與事又各有職也其掌之也專其任之也久故三百六十之職皆終其身而不易其事是以歲終各正其治受其會三歲則大計群吏之治夫然後可以責其成也漢之任官猶有古意吏居官者或長子孫以官為氏其二千石長吏亦安官樂職莫有苟且之意如夏侯嬰自高祖時為大僕至文帝世不易其職張釋之十年不更其任于定國為廷尉凡十八年外而郡守有治理效則璽書褒美增秩賜金不以輕易有為京兆尹九年如張敞有為刺史五年如何武有為郡太守八年如黃霸此所以治效可觀也晉宋以來

元嘉之政守宰以六基為任及後世乃有三年不滿之制而古意失矣
自唐以資格任人而士懷苟且之習州牧更易或一二歲或三五月則
盧懷謹言之以亟去之官臨苟且之民則陳祥道實論之宋朝廷官不
肯輕易李漢超守關南則十七年郭進在山西十二年北猶曰將帥之
任用者然也及魏不之典作坊亦十餘載不易故器械精辦劉溫叟
之為御史中丞亦二十年而不改故以方正顯名以至陳恕之任三司
使十七年陳堯佐之為太常丞亦十三年皆祖宗任用之要術也昔司
馬溫公論至治之要亦以為人之才性各有所宜而官之職業各有所
守唐虞命官各守一職終身不易而荆國王文公亦謂方今用人今日
使治財明日使典獄已而又使典禮夫以一人之身而責之以百官所
為備宜其人才之難為也

爵祿

周冢宰以八柄詔王馭群臣有曰爵以馭其貴祿以馭其富司士掌群
臣之版而曰以德詔爵以功詔祿載師之職有士田賞田而卿大夫之

采邑則有大都小都之田任官然後爵之位定然後祿之外而公侯伯
子男則有九命五命之制內而公卿大夫則有八命四命之別是古人
未嘗以妄授也自春秋之時吳越之君僭號於中國而古人列爵之意
遂亂戰國之時諸侯惡其害已而皆去其籍故司祿之職遂闕今其遺
制僅見於王制孟子之書自公一位而至於子男同一位者皆爵也自
君十卿祿而至於下士在官者之祿皆祿也秦置二十等爵自公士以
上至于列侯以比古之卿大夫士漢初因之如樊噲以舍人有斬首之
功賜爵大夫已而列大夫增而至於賜食邑夏侯嬰以大僕常奉車有
降敵之功賜爵五大夫已而至執帛增而至食邑其一職一所截有紀
序間有超遷越轉則出於上之特恩至武帝時又有武功爵自造士而
至于千牛而至于軍衛用以賞軍功爾若夫封侯之爵則有二等同姓
而封者謂之諸侯王異姓而以功封者謂之徹侯大者不過萬家小者
五六百戶此其畧也自三公而下至百石吏祿亦各有差其見於百官
表之注皆以穀計也至於所謂丞相大將軍俸錢月止亦六萬是漢祿

益多而錢少貢禹為錢議大夫秩八百石而俸錢月止九千二百益寬
饒擢為司諫校尉俸錢月數千當時號為祿厚加之節臘有賜士大夫
足以養廉而無肩耻干祿之態惟小官卑秩稍祿既薄而賞賜不及焉
則不能以自奉此東方朔所以借侏儒而諷上也宣帝憫小吏之勤事
於是益百石以下俸十五自是小吏稍優光武中與其千石以上減於
西京舊制二百石以下不改西京舊秩是光武之減吏祿未嘗減小吏
之俸也唐之封爵凡有九等掌於司封自子男而上至于王給祿之制
視其品數方正觀時從褚遂良之言罷公廨折錢令史而本府仍給月
俸所以養其廉也其後定制京諸司則有公廨田諸州則有職田亦各
有差至於月俸之制常哀嘗為裁限李泌又量其閑劇而請增之此唐
之大畧也宋朝懲藩鎮之弊而封爵之制寄之虛名太祖始定添支之
制太宗增實俸之給咸平定職田之制嘉祐定祿令之格元豐改官制
以唐文階易省部寺監官歸鑿本職號階官為寄祿官而食其俸以領
內外任使削憲衙番勳十二轉此亦得古人制爵祿之意也

賞罰

周之八柄有予以馭其幸誅以馭其過而內史詔王亦曰予以奪司勳
掌六卿之賞地以等其功士師之職以五戒先後刑罰冢宰歲終則令
百官府致事而詔王廢置三歲則大計群吏而誅賞之此古人賞罰之
大畧也春秋之時賞罰之權不明於上而夫子特以是而寄之春秋之
書戰國齊威王猶能用其權其烹阿也非惟及於大夫而又及於左右
之嘗譽者其封墨也非止於大夫而又及於左右之嘗毀者此其所以
公也秦誅名而不責實為善者未必賞而犯惡者未必刑見於公孫洪
之策漢高祖不以舊怨而封雍齒不以私恩而斬丁公此亦有公天下
之意宣帝厲精為治信賞必罰見於詔令者有曰有功不賞有罪不誅
雖堯舜不能化天下然而趙蓋韓揚之誅罰非所賞罰王成偽增戶口
之賞賞非所賞賞諸葛亮在蜀盡忠益時者雖讎必賞犯法怠慢者雖
親必罰善無微而不賞惡無纖而不罰此所以號為治國也唐太宗誅
封德彝以明天下之義用魏鄭公而忘平日之讎裴寂賂公行雖故

舊亦行賤斥蕭瑀効李靖之過而乃錄其功而賞之故嘗謂考玄齡曰
有功則賞有罪則刑誰敢不竭心盡力以修職業然以讖言而誅李君
羨以諧言而殺劉洎以外戚而封長孫無忌以受賂而賜長孫順德不
能盡出於公故魏證有曰刑賞之本在於勸善而懲惡天子所與天下
畫一不以親疎貴賤而輕重也今之刑賞或由喜怒或出好惡者正謂
是爾太祖創業之初王仁贍以下蜀而輒開府庫不免責降曹彬以平
蜀而清謹廉潔遂蒙升擢節鉞之除未嘗輕以賞將帥而川班殿直長
訴數賞則即日誅之

銓選

古者知大夫舉賢能而賞其禮司徒教三物而興諸學司馬辨官材以
定其論太宰詔廢置而持其柄內史贊與奪而貳於中司士掌群臣之
版歲登下其損益之數此皆古之法也漢以郡縣守相之高第者然後
為二千石二千石之有治行者然後為九卿九卿之稱職者然後為御
史大夫然張釋之十年不得調楊雄三世不徙官至有大僕立功自高

及文猶未離乎舊職賈誼超遷歲中至太中大夫公孫洪徒步數年登
宰相封侯未始有資格之拘成帝建始四年始置常侍曹尚書一人王
公卿二千石曹尚書一人掌郡國而選曹之制遂始於此梁武改常侍
曹為吏部曹而專主選舉所用者必加歲月先後之次而尚書從而簡
試之此光武之法也其後簡試之法壞而復變惟毛玠之典選其所進
用皆清正之士雖時有盛名而行不由本者終莫得進於是而有名於
魏山濤之典選每一官闕輒擇才資可為者擬數人辨拔人物各為題
目而奏之故於是而有名於晉後魏崔亮奏為格制不問士之賢愚專
以停解日月為斷而魏之失人自崔亮始唐文選則吏部主之武選則
兵部主之皆為三銓之法在尚書則與其一在侍郎則分其二其擇人
之法有四曰身曰言曰書曰判四者皆在所可取則以德行先之德均
則以才均則以勞其得者為留不得者為放自五品以上則不試于
選自六品以下始集而試觀其書判已試而銓察其身言已銓而注詢
其便利已注而唱則以類而聯其名先簡于僕射而乃上于門下給事

中讀之黃門侍郎省之侍中審之不審者則駁其非既審者則以聞自是而外又有所謂小選南選東選之名而所以擇之法則一也自裴行儉設長名榜引銓注法復定升降之等而銓法始變張仁偉造姓歷改狀樣銓歷之式而銓法遂密裴光庭作循資格而賢愚一槩而銓法遂變姚崇宋璟惠斜封墨敕之濫也乃合三銓而通掌之於是有通銓之事宇文融惠吏部選舉之不公也欲精其選而分掌之於是有十銓之名其後楊國忠以右相而兼吏部悉唱注於都堂以誇神速而門下過官三銓注官之法遂一旦而盡廢此法之所以壞也宋朝太祖文武常參官非有勞未嘗進秩考滿叙遷之法稍不復舉是時典選之職自分為四文選曰審官東院曰流內銓武選曰審官西院曰流外銓元豐定制以審官東院為尚書左選流內銓為侍郎左選審官西院為尚書右選三班院為侍郎右選於是吏部有四選之法

諫諍

古者諫無常負知無不言故益虞官也而戒曰罔失法度罔遊于逸

臯陶士官也而戒舜曰元首叢脞股肱墜哉三代之時官師相親工執藝事以諫太僕之命亦曰繩愆糾謬格其非心師氏以微詔王保氏之掌諫王惡司諫之攷鄉里之治內史之詔王聽治皆諫官也秦人惡天下之議已思有以遏絕其路故置諫大夫之官而言路始狹漢高祖好謀能聽從諫如流酈生之諫輟而聽之子房之謀吐哺聽之躡足之諫隨即聽納排闥之諫笑以優容孝文止輩受言而即官得以進諫衣盡卻坐而宮闈亦不忘於納諫武帝聞汲黯贛耳之言而不以為怒聞虎立上林之諫而不以為過徐樂嚴安以布衣而諫伐匈奴而不及除擢東方朔以恢諧而諷諫左右而未嘗譴斥然狄山以諫用兵而見棄顏異以腹誅而見諫則聽諫果何如耶唐太宗詔諫官隨中書門下及三品入閣而又導人使諫每群臣奏事則必假以辭色張元素之諫營繕則嘆賞而加賜李大亮之諫求鷹則賜詔而褒美魏謚之諫通西域則從之王珪溫彥博之諫貢租孝恭則又從之然而皇甫德參之諫未免於譴怒褚遂良高麗之諫竟棄之而不納搖指書空之意傳昏

卜碑之事乃於末年見之德宗詔延英坐曰許百司長官巡對若好諫者然姜公輔一言忤旨則反疑其賣已陸贄之忠誠論諫數十百篇而輒棄之於患難已平之後故正元之十八年史臣書之於紀者曰罷正衙奏事而元積奏疏於元和之初亦曰近年以來正衙不奏事庶官罷巡對而諫路自是塞矣宋朝諫官以左右分隸兩省中書同為一區正欲於造命之地彌縫其闕雍熙中置左右司諫慶曆中增置諫官四員太宗時寇準奏事力爭手攬御衣欲決其事仁宗改蔡余王論事無所避而俱賜章服

考課

成周時冢宰既受百官府之會聽其致事而詔王廢置三歲則太計羣吏之治而誅賞之矣而司徒則又自考其屬正要會而致事司寇則又命於其屬入會乃致事下至宮正則會其行事而自考其一職之所統內宰則稽其功事而自考其一職之所統雖監事之微而監師亦於歲終稽其監事此各考於其所屬也上下迺察而冢宰實提其大綱至於

會計之煩則又專設司會一職以察之司會之職曰以逆羣吏之治而聽其會計以參互考日成以月要攷月成以歲會攷歲成以周知四國之治以詔王及冢宰廢置此可見成周之時各攷於一職之長既攷於一職之官而後攷於一官之長攷於一官之長始盡攷於司會而後達於冢宰獻各攷其屬於下則寡而難欺提其綱於上則簡而易見而又總攷於司會則精詳而備察而可以防其隱蔽也漢考課猶有古意郡守辟除守長得自課第刺史得課郡國守相而丞相御史得雜考郡國之計書至天子則受丞相之要以史攷之王尊為郡決曹太守察尊廉補監官長是令長之職多郡守自辟置也茂陵令蕭育為漆令請扶風愨曰君課第六裁自脫何暇為左右言是令長之職守相得自課第也刺史巡行所部郡國考課最歲盡詣京師奏事是刺史得課守相也谷永為鮑宣曰左馮翊宣攷課功績簡在兩府則御史得雜攷郡國明矣丙吉曰殺傷橫道京兆尹職當禁正歲竟丞相課其殿最奏行賞罰而已觀課殿最之言則丞相雜攷郡國之計書明矣觀奏行賞罰之言則

天子受丞相之要又明矣然漢之課吏皆每事而攷韓延壽為京郡決獄為天下最此刑獄課也尹翁歸守右扶風盜賊課常為三輔最此盜賊課也見寬為內史租稅不入當免後民爭輸租而課利以最此租稅課也後志注曰令長歲盡計縣戶口墾田錢穀盜賊上其簿於郡課校其功則戶口墾田錢谷亦各有課也雖然張蒼明習天下圖書計籍高祖令以列侯居相國領主郡國上計為計相其後計相之職不置併掌於丞相故石慶見詰於武帝曰今流民愈多計文不改君其繩責長吏宣帝黃龍之詔曰上計簿具文而已務為欺謾以避其課三公不以為意朕將何在則郡國上計實主於丞相而漢之責宰相以課吏不為不嚴矣然而膠東偽增流民戶口至以萬餘而守相王成反蒙褒賞臨淮郡國界誤至減田四百頃而康衡目領計簿不能正則漢之上計雖殺役於簿書期會而未免於具文也

循吏


太史公循吏序曰法令所以導民也刑罰所以禁姦也文武不備良民

懼然身修者官未嘗亂也奉職循理亦可以為治何必威嚴哉故所紀者如孫叔敖以楚民之不便於更幣出一言而郢市復子產之在鄭班白不提挈道不拾遺公儀休之技葵石奢之不敢廢法李離之不敢傳罪下吏止數人而已漢興之初反秦之敝與民休息凡事簡易禁網疏闊而蕭蕭以寬厚清淨為天下帥民作畫一之歌孝惠垂拱高后女主不出房闥而天下晏然民務稼穡衣食滋殖至于文景遂移風易俗是時循吏如河南守吳公蜀守文翁之屬皆謹身率先居以廉平不至於嚴而民從化孝武之世外攘四夷內用法度民用彫敝姦冗不禁時少能以化治稱者惟江東相董仲舒內史公孫洪兒寬居官可紀三人皆儒者通於世務明習文法以經術潤飾吏事天子器之仲舒數謝病去洪寬至三公孝昭幼冲霍光秉政承奢後師旅之後海內虛耗光因循守職無所改作至於元始元鳳之間匈奴化百姓益富舉賢良文學問民所疾苦於是罷酒榷而議益鐵矣及至孝宣繇側陋而登至尊知民事之艱難自霍光之後始躬萬幾厲精為治五日一聽事自丞相已

下各奉職而進及拜刺史守相輒親見問觀其所繇退而考察所行以質其言有各實不相應必知其所以然常稱曰庶民所以安其田里而忘歎息愁恨之心者政平訟理也與我共此者其惟良二千石乎以為太守吏民之本也數變易則下不安民知其將久不可欺罔延服從其教化故二千石有治理效輒以璽書勉勵增秩賜金或爵至關內侯公卿缺則選諸所表以次用之是故漢世良吏於是為盛稱中興焉若趙廣漢韓延壽尹翁歸嚴延年張敞之屬皆稱其位然任刑罰或抵罪誅王成黃霸朱邑龔遂鄭洪召信臣等所居民富所去見思生有榮號死見奉祀此凜凜焉庶幾德遜君子之遺風矣以傳政之如文翁之興學於蜀王成之有治聲於膠東黃霸之在潁川務耕桑而獨以寬和名朱邑之在桐鄉有遺愛於民龔遂之治渤海捕盜勸民農桑召信臣之為民興利通溝瀆以灌漑此皆西漢之循吏也光武長於民間頗達情偽見稼穡艱難百姓病害至天下已定務用安靜身衣大練色無重綵耳不聽鄭衛之音手不持珠玉之玩宮房無私愛左右無偏恩建武十三

卒湯五府舉段會宗是公府薦士也暴勝之以直指薦焉不疑關康以執金吾薦龔勝何其薦士之寬也至於嚴延年舉獄吏姓不入已猶坐貶秩何武舉方正者槃碎失禮有司以為說舉衆虛偽左遷蓋漢薦舉之路廣而同坐之法嚴也

群書考索卷二十五



卷之四